


欽定方輿路程考略

興化府仙遊縣

第 四 冊



明	仙	縣	縣	安	十	西	里	治	縣	至	泉	仙
屬	遊	與	屬	縣	里	北	至	一	治	泉	州	遊
興	宋	郡	武	地	本	至	縣	百	一	州	府	縣
化	太	同	榮	唐	漢	泉	治	一	百	府	永	在
府	平	名	州	初	治	州	一	十	五	憲	春	興
正	興	奏	尋	為	縣	府	七	里	十	安	縣	化
統	國	請	屬	莆	地	德	十	西	里	縣	界	府
十	年	易	泉	田	晉	化	里	南	東	界	五	西
三	年	之	州	縣	以	縣	東	至	南	七	十	七
年	改	因	天	地	後	界	北	泉	至	十	里	十
省	屬	以	寶	聖	為	一	至	州	憲	五	里	里
興	興	縣	元	曆	晉	百	莆	府	安	北	南	東
化	化	有	年	二	安	里	田	憲	縣	至	縣	西
縣	軍	何	別	年	縣	至	縣	界	五	福	治	八
西	元	氏	駕	始	地	縣	界	五	十	州	一	十
北	屬	九	趙	析	陳	治	一	里	三	府	百	里
鄉	興	仙	願	置	隋	一	百	里	十	永	里	西
地	化	勅	正	清	為	百	里	三	十	福	里	至
入	路	改	以	源	南	三	里	五	縣	南	至	一



馬今因之撫卅縣東五里至東渡橋十五里至石
 馬橋二十里至俞潭達本府莆田縣界宋黃巖孫志水繞
 十里至長嶺達本府莆田縣界宋黃巖孫志水繞
 山盤面勢環翕為東南壯邑陳謹縣尉題名記西
 北接泉福南距大海朱子歸樂堂記林壑美泉石
 饒真德秀送王邁序山川峻秀雄麗明林文重修
 縣治記山高而水
 清地固而田沃

山川金石山

在縣城東北隅為登臨勝處名勝志宋傅
 楫聚族于山下科甲蟬聯山亦以楫得名

閩書楫從陳襄游時墻屏問道千
 餘人先生獨曰傅元通金石人也

石鼓山

府志在縣東四里東渡橋之南上有巨石
 如鼓縣之水口山也夾溪對峙者曰走馬

山

鐵山

在縣東七里府志昔越王築城其上一名城
 閩書作鷄子城山舊經云靈異非人力所

為宋陳昭度仙水第一源記何氏兄
 弟經行于鷄子城今荒烟斷壠耳

銅盤山

府志與鐵山相近峰巒秀拔其
 頂坦夷如盤又一峰曰馬鞍山

雞山

縣志在縣東八里相傳昔
 有錦雞飛集時飲井泉

仙遊縣

崑崙山(府志)在縣東十五里大溪南二峰相並圓整秀拔上有崑崙岩有蟹井

新峰山(縣志)在縣東十五里其高凌雲頂平如掌

瓊山(縣志)在縣東二十里(府志)上有石瑩潔如玉高數丈廣十餘丈可坐數百人亦名瓊山岩

金峰山(縣志)在縣東安賢里去縣二十里亦名尖峰自紫帽山突兀而出尖聳凌雲

紫帽山(縣志)在縣東安賢里西隣善化里高聳層折狀如紗帽去縣三十里係縣來龍自九

此座至

龜城山(縣志)在縣東二十五里以形似故名(閩書)分派九仙而來

東山(府志)在縣東四十里沙溪橋之東下為巖坂(閩書)在縣東四十里沙溪橋之東

金井欄山(縣志)在縣東南十五里有巨石狀如井欄

蔣山(府志)在縣東南十里自洪山分脈而來圓聳秀拔

留仙山(府志)在縣東南十里何氏兄弟嘗憩此山石棋局猶存

洪山(府志)在縣東南十五里(舊經)其崖險峻層巒清洒天陰有火星出崖壑間(閩書)何氏九人嘗陟

其巔輒有雲氣盤繞又若聞絲竹聲

魁山(府志)與洪山相連(閩書)以邑人傅共首鄉薦名

大尖小尖山(府志)在洪山西南(府志)雙峰尖秀高挿雲漢

銅鼎山(縣志)在縣東南二十里形如覆鼎(縣志)其旁有耳山山勢雄麗與垂簾挂幕之山相並又

仙遊縣

有石

馬山

雲頂山

在縣東南二十里(府志)自洪山魁山來狀如展旗(縣志)正旦占紫霧為豐年之兆

羊角山

在縣東南四十里(縣志)有景曰羊角曰鰲頭曰仙跡曰虎泉曰石室曰石虎曰望夫

曰石門

曰石戶曰宿海曰琴潭

曰香石

曰墨磯曰鍾逕曰雲臺

錦屏山

在縣東南四十里形如屏幃(縣志)楓亭市居人延迤其下(閩書)舊傳何氏九仙結楓

為亭而

處其上(府志)市南陸氏有芙蓉園活水

亭其北

為楓亭驛驛為金鎖橋橋下有太平港

塔斗山

在縣東南四十五里楓亭洋之北(府志)在縣南五十里上有觀海樓其西曰紫帽山

閩書上

有塔塔前書院曰會心三峰朱子所建其

後亭曰

摘斗一名螺峰(縣志)林木蔚蔚瞰下眺遠

人烟帆影宛然如畫(明戚繼光詩)幽徑層層草樹

遮山亭高望隔烟霞板躋到處同回首萬戶千門

總一

翹足山

在縣南五里(府志)自留仙分派而來形家謂之曰仙人翹足又名曰喬木山

天馬山

(府志)在縣南五里正對文廟與二飛對峙(縣志)在縣東北二十五里泉石清奇樵牧

絕跡又有

鄭墓山在縣南

五里以

鄭良士之墓而名

羅山

(府志)在縣南五里如鳳展翼傅氏世居之(宋志)唐妙應禪師指此山可居遂與傅氏泉州

左翼軍寨兩易為護安院道場識曰吾居爾室干

戈永息爾居吾穴衣冠不絕又曰二百年後異姓

同居于比

仙遊縣

登科山 在縣南七里(府志)
又南一里曰槐山

飛鳳山 (府志)在縣南八里東有昭靈宮

鳴峰山 (府志)在縣南八里(宋志)作鳴山(閩書)有石而方天將雨則鳴過三日不雨則早禱之則應

白巖山 在縣南十里(府志)孤標秀異林木蔚然白巖居士有(辭清源尚書歸白岩詩)曾陪閩苑舊

白巖居 折桃開二月天青鸚共樹南宅雨紫袍同

神仙杏 折桃開二月天青鸚共樹南宅雨紫袍同

曳白巖 烟修竿對引黃金鯉健筆分裁白

雪篇 從此恩深酬未得可堪憔悴話歸田

香山 在縣南十五里(府志)旁有清溪源出晉江縣界(閩書)舊志昔有人登山聞異香或于地中

得之宛若乳香又有石梯掛錢石銀

九峰山 (縣志)在縣南十五里九峰環列亦名

柳峰山 在縣南二十里(縣志)自東南望之其形如帽正南望之其尖如筆(閩書)有雲蓋頂為

紫幙山 在縣南二十五里(府志)其峰森秀烟氣凝

牛歌亭山 (府志)在縣南三十五里形如卧牛(縣志)

應 有歸縣山森聳翠黛石峭泉清旱禱多

九龍山 在縣南四十里(府志)分九支而下與銅鼎

山對峙(方輿勝略)石皆紫色下有赤湖蕉

溪

照船山

在縣南四十里(縣志)其形秀拔巔可望海

鴻漸山

在縣南四十里(閩書)山色秀麗是生人材其名鴻漸取漸達之義(縣志)又有雲峰山

牛山

(縣志)一名清澤山在縣南四十三里去楓亭三里許山下清溪交流(閩書)有孔方山在縣

南六十

大智山

(府志)在縣西南七里唐智廣禪師遊此故名

鍾石山

在縣西南二十里形如覆鍾(縣志)上有裊天二石下有白虹黃虹二滌

帶帽山

在縣西南四十里(縣志)哭起千尋頂如手掌

鍾山

(縣志)在縣西十五里(閩書)在縣西十里狀如覆鍾下有小鍾山

寶幢山

在縣西十二里有二峰相拱東曰玉幢西曰金貂又有奎山在縣西十六里

靈陽山

(閩書)在縣西二十里下有瑞泉(府志)僧智廣卓錫泉湧(前)人詩句坐斷鰲頭千仞壁

擊開石眼

一夫泉

在縣西二十三里行數里為角旗山(閩書)形如誥軸

寶山

(縣志)在縣西二十五里林木幽秀形如寶蓋

大旗山

在縣西二十五里仙人臺前(閩書)舊名大如榕國有大故樹輒

先悴人呼為

仙遊縣知國樹

魁岩山 在大旗山前宋葉大有省試

正奏山 在縣西二十五里(縣志)尖聳如笏舊名精

留峰山 (縣志)在縣西三十里其麓曰留陂

金雞山 (縣志)在縣西北五里頂有石如雞

平孝山 在縣西北十里一名龜峰山(府志)

大帽山 (縣志)在縣西北十里其形如席帽

北斗岐山 在縣西北十里大帽山下

飛鳥山 在縣西北十五里下有飛鳥溪(閩書)昔有孝子廬墓于此飛鳥羣集

鼓樓山 (縣志)在縣西北二十里聳挿雲表如層樓然

雙桂山 在縣西北二十五里(府志)雙峰並立又名

雙髻山 (閩書)自九座而來頂平處可坐數

鳳髻山 (縣志)在縣西北二十五里高望山峙其右

祥雲山 (府志)在縣西北二十五里舊以瑞雲見名

跡在 其下

龍山 (府志)在縣西北三十里前為後

岱仙山 (縣志)在縣西北三十里其下有

仙遊縣 有岩祀仙姑馬氏禱雨有應

月峰山 在縣西北三十里(府志)上有大仙岩歲早

正叔少從朱子學初調永春尉遷太常博士真德

秀時為正字每相過談論古今事移晷刻寧宗朝

輪對言甚鯁切(宋王邁月山書院詩)山下聞書聲

勝似聽絲竹山中嚼書味勝似飽梁肉絲竹無趣

空有音梁肉悅口不悅心月山主人真好事積書

連屋牀橫琴直面青天垂潤野滿懷月色娛樂良夜

羣兒誦書鸞鶴鳴卧而聽之神思清人間樂事天

所惜月山之樂為第一我者羣兒个个奇腰斤行

斫月中枝伊渠來作月

山客未肯輕和月山詩

大柘山 在縣西北三十里其山自金華嶺

來伏而復起高聳特立多產柘木

烏岩山 在縣西北三十五里(府志)狀若

展旗又名旂峰上有飛錫岩

梯雲山 在縣西北四十里(府志)歷

險沿危又三十里至九座

梁山 在縣西北(方輿勝覽)在縣西四十里平田中

突起一峰高插霄漢上多神祠(閩書)舊傳梁

時有紫氣凝結經旬不散

邑以祥聞故以梁名山

泗州臺山 在縣西北四十五里俗傳仙人往來其

間又名仙人臺有天柱峰(名勝志)宋邑

仙遊縣

人卓彌真入此山中遇何仙與以二桃彌真食一

留一曰以遺母仙人頷之自是不茹葷性自靈悟

能行符呪水病者飲之即愈後結庵于鳴峰山白

日坐化今仙蛻猶存(唐鄭士良遊臺山僧舍詩)到

此溪亭上浮生始覺非野僧還惜別遊客亦忘歸

月滿千岩靜風清一磬微何時脫塵役杖履願相

依

屏山 在縣西北五十里(府志)與泉州府永春縣接界舊名鳴山其山高大狀如列屏改名屏山

(閩書)下有屏山書院

九座山 在縣西北即古仙遊山(元和志)仙遊山在縣西北三十里縣因以名(通志)九座山在縣

西北七十里(泉南錄)重巒疊嶂之中巍然高峙凡九上有九座院(閩書)舊經謂八峰環繞一峰故名

又以山面如鳳舉亦名鳳山山最高循嶺三十五里得平坦地五里院當其要九峰橫前中一峰熒

碧照耀儼如立筍也(宋徐師仁詩)句依依苔徑荒曲曲溪流急九疊作屏張萬仞俄壁立平處地如

掌仰看天似笠

九雲山 (縣志)去九座院七里下有靈湫祈雨多驗

大勳山 在縣西北八十里一名大汾山與永福縣接界其下為勳洋(名勝志)勳洋舊名汾陽

大飛山 (寰宇記)在縣北五里(九域志)大飛山地本因名(海錄碎事)山自異域飛至(縣志)作二飛山縣

之主山也自九座分宗高可千仞蜿蜒百里屹立為大小二峯聳拔飛動如鳳展翼故號大飛小飛

宋喻峙隱跡處峙字景山紹定五年特奏名未老掛冠作大飛書院(許伯詡訪景山詩)奉陪南極老

來慕北山名鑿石濃書墨流觴款叙情問誰挹仙袂笑我縛塵纓知是龍門客終難卧孔明(陳師復)

和景山詩(仙谿)七十里半世始聞名一日見山面

塵纓霜月亭亭白連沐語到明

馬鞍山 (府志)在大飛山下又有鍾鼎山(閩書)馬鞍山下有道者井泉味甘美為僧伽經行卓

仙遊縣

錫之

將軍山

(府志)在大飛山東屹立千丈頂若兜鍪

瀑布山

(寰宇記)在縣北五里其山峭拔懸崖有瀑布千丈而下(府志)在飛山之北峭拔空濶

林木森

聳(名勝志)懸崖數千尺飛

馮下如

練下有龍潭早禱多應

富洋山

在縣北七里(宋志)有富洋院(縣志)有富洋嶺有西未岩路從西轉逶迤而入有白雲

岩草徑

幽折林木蔥蘢(唐鄭良士寄富洋山禪者詩)畫破青山路一條走鞭飛蓋去何遙礙天岩樹

春先冷

鎖院溪雲晝不消雪上茗芽因客煮海南沈屑為齋燒誰能學得空門士冷却心灰守寂寥

寶山

(閩書)在縣北一百二十里

旗山

在縣東北十五里高大開面如旗(閩書)上多奇石有石笏石印石鼓之類

古重山

在縣東北二十里紫洋之東(府志)延袤二十餘所隙路相通皆神仙窟宅(閩書)峯東一石高

可五仞

陡削玉立名挂中石旁又一石如獅石山腰十餘石則玲瓏相通其一屹立數仞修廣十餘

文下凹

為室左有飛泉注為懸瀑何九仙嘗遊焉藥灶遺址尚宛然

玉几山

在縣東北二十五里(縣志)方平如几高與九仙山齊

高望山

在縣東北三十里何岩西北谷目山之南(府志)其峰高聳宜遠眺故名上有萬高洞

南有雙

髻峰下有龍潭正東為鳳髻山(閩書)北有仙人臺亦以何仙得名昔有僧契行力兼百人嘗

仙遊縣

遊縣

宿逆旅擊仆羣盜白諸官官籍盜財而給其半辭
不獲已携歸是山建石浮屠塑羅漢五百十有六
即高望塔也

高陽山 在縣東北三十里何岩之西一名谷目山
(通志)在東北六十里(縣志)崇林蔽翳居人

斷木以識出入後訛為谷目云(閩書)爽然而高與

飛鳳相望黃定齋謂谷目中山水娟秀如人之有
眼目是其清明處也後人訛為啄木(名勝志)山高

百餘仞萃律臨湖上有神芝下多奇草有烏白首
青身而黃足其形類烏名曰

鷓鴣或曰神鴉見之者吉祥

蛇灣城山 (府志)在縣東北三
十里亦號越王城
九仙山 (志)在縣東北(寰宇記)在縣北四十五里(九域

志)在縣東北二十五里高望山之東林木森翠石

湧流泉色白味甘(閩書)舊傳何氏兄弟飲此泉得

仙下有仙水靈惠廟宋時士大夫謁夢于此與九
鯉並顛東有仙跡石唐景雲間清源縣仙水廟記
尚存

高平山 在九仙山之南

盤龍山 (府志)在縣東北六十里九里湖西南至筋

飲澗(名勝志)高千餘仞萃律不可

登其上宛童之木寇脫之草

石所山 在縣東北六十里何岩東(名勝志)山高數
此山又居何岩之上其巔有石如笏高三丈許又
有烏頭岩石黥黑浮海者望以為的又有雲居

仙遊縣

岩古篆百餘字如龍蛇糾纏不可識下視空濶滄

海渺漫宋鄭樵建書院于岩之上高可千仞而方

沿復瀦其巔林光朝劉夙嘗登是山皆

曰天下佳山水未有如鯉湖石所者也

小岩山在縣東北六十里縣志疊嶂環拱絕澗爭

鏡諸

玳瑁山在縣東北六十里石所山南府志下為龜

尋陽山在縣東北六十里府志有大山自西北

爐各分支而發後為燕峰其峰高大上有燕竇

冬時燕蟄其中南為蓮花峰循南為銀頂石龜龍

鬚岩過九鯉湖南出為龜山由香爐峰南出曰大

象山前有鐵障山由大雪峰中出曰雞髻岩大峰

翔下疊作小峰尖芒攢矗如雞冠然有靈滌石灶

由仙臺峰北出曰紅袍山曰雲頂峯一作雲頂岩

端峭秀麗摩拂雲霄峰之旁為滌坑中有舊隱岩

化蟒岩眠雲閣釣月灣聞猿洞皆勝處由仙臺東

出曰筆架山三峰並峙又北曰笏山

峰山皆尋陽之支也舊嘗置巡司

林洋山在縣東北七十里舊縣治之西為一邑佳

眾呼為蒲菴禪師俗姓周懷安縣人母夢泗洲

僧伽頭為已子孕十年乃生自幼通經屬文棄儒

為釋與衲子則談禪與儒生則論經史初居石門

晚方居此歸寂之日烟浮乳迸皆為舍利師為詩

文援筆立就初不搆思有盧縣尉夜遣人遺以苜

蒲石立索回詩師即復之曰夜半敲門聲剝剝風

擾長空月欲落九重洋外雷聲號萬頃浪頭雲色

惡地神失却洞庭山蒲菴化作蓬萊閣盧郎寄我

仙遊縣

意何多七十

二峰添五岳

在縣東北七十五里(府志)由覆鼎山頓

雙髻山

伏西馳突起兩峰色如抹黛一名雙筆

覆鼎山

在縣東北八十里何岩北一名福鼎山與

鐘山

蓮花石所三山峙立為舊縣主山(閩書)下

石犬山

(府志)在縣東北八十里層巒聳秀上有石如伏犬

九十九朝山

(縣志)在縣東北八十里山自虎頭山分脈至此九十有九朝相近有白馬

銀岩山

在縣東北八十里一名白岩山去舊興化縣五里(閩書)奇石生崖間璫珂玲瓏其色

黃白質不甚堅鑿之可以植菖蒲

蓮花山

在縣東北八十五里(縣志)數峰參差奇秀狀若蓮花

羊山

在縣東北八十五里

黛藍山

在縣東北九十里(縣志)俯瞰清溪輿梁跨之有小市數家

東山

在縣東北九十里(舊志)狀如伏龜

如蘭山

在縣東北九十五里(舊志)西南(府志)自常坑分支越邑而西連起數峰逶迤羅列(名勝志)其下有水陸精舍宋里人謝慶恩初為興化

縣吏紹興初縣令唐卓然知非凡夫因度為僧受

業于水陸僧圓覺禪師遣之

雲遊江西叅老衲道行籍甚

仙遊縣

南鎮山(縣志)在縣東北一百里

龍山在縣東北一百里古稱拜山(府志)舒緩

牛嶺山在縣東北一百里舊治北五里

文筆峰(縣志)在縣西南十五里秀拔如筆(明一統志)

化縣治(閩書)唐末有郭呂者通經解隱此峰下沒

而立廟峰下有應

盤髻峰在西北七十里九座山後(縣志)亦名鳳頂

書(宋淳熙間)古杉著花

銀頂峰在縣東北六十五里尋陽山(宋陳昭度西軒賦)西澗之水懸流三千尺發源于銀頂

陽山嶺(閩書)在縣東二十里折桂里又有

石碑嶺在縣南十里嶺路甚險有石屹立如碑

歸仙嶺(府志)在縣西二十五里俗呼孤單嶺(海錄)

乘陳光儀世居嶺上後登第還鄉因以名嶺(明鄭紀)

紀過嶺詩此地原名歸仙嶺我今是仙不是仙(明鄭

曲陶詩漫和兩三篇百年此去無多日誰管兒孫

錢 仙遊縣

新嶺 在縣南三十里(府志)石磴崎嶇明

馬嶺 在縣南三十七里嶺上有亭迎送使客之所(縣志)在縣南四十二里又有錦嶺藍嶺摘斗

嶺楓

白隅嶺 在縣西四十里其南屬永春縣有白石為

石獅嶺 在縣西北四十五里

何嶺 在縣東北二十五里延袤數十里下有出米

嶺甚長有泉出石罅主簿林正夫刻仙泉井三篆

字以表之(宋蔡襄詩)何嶺巍峩欲插天回頭又與

白雲連桃花不點尋常路從此依稀度九天(明龔

用卿詩)尋真初入仙遊路晴日春山興不違山向

窮時皆鳥道路當險處有柴扉雲邊喬木千章暗

澗底清泉百道飛欲向神仙求秘術滄洲早已著

衣荷

磨石嶺 (府志)在縣東北六十里九里

長嶺 在舊縣西南四十里何

白馬嶺 (府志)在舊縣西北福興里又有牛頭

鼻嶺 在舊縣西北一十五

高危嶺 在縣東北(府志)明正德間里人陳純開

鳴峰嶺 (縣志)在縣南八里鳴峰山上昔有卓道人

築室于此又有梅峰岩(唐鄭良士鳴峰岩

仙遊縣

詩卓錫棲雲老道翁結茅龕塔萬山中石爐晝夜
香騰霧琪樹春秋翠挿空菜長給孤園值雨藤搖
羅漢谷生風禪關寂寞無人到塵世喧囂總不同
宋黃岩孫詩卓道當年愛此峰直于頂上駐禪筇
岩深疑有仙人宅地僻全無俗客蹤罅石引泉圍
古屋斷烟拖露滴寒松夜來冷枕蒲團睡夢破一
聲殘月鐘明鄭紀詩新詩盈卷酒盈尊花底酬
賡任夕曛興極不知歸路晚鐘聲敲斷四山雲
北坑岩在縣南四十里閩書岩石周環如城元末
因呼其地為無煩惱前人遊岩詩路入仙峰不記
重一軒瀟灑檜烟中溪山繪畫丹青巧天地驅回
造化工風刻鱗波清枕筆日梳花影上簾
龍來遊絕異人間景身世依稀到藻宮
清水岩在縣北五里將軍山西徑折林幽泉
穿石而流其音鏗然登堂南眺萬象森列

九龍潭岩

潭為
九龍潭岩
潭為
潭為

潭為

附鳳岩

附鳳岩
左澗曲流渡木橋而注于石盤右澗懸流

如珠簾

如珠簾如玉虹沿木欄層折匯合于石盤行數武

有危石焉

有危石焉削平如屏篆曰小夫滌明唐梅臣詩幾

中消息

中消息誰人見澗落飛泉月滿輪

彌陀岩

彌陀岩
石泉瀑布遊人往來不知炎暑

東山岩

東山岩
縣志在縣北石磴凌雲澗流噴雪庭中

棲真岩

棲真岩
在縣西北九座院東三百步一名伏蟒岩

仙遊縣

綠葉密如蘇茨蔭于岩石莫辨其名(名勝志)東山有巨蟒智廣至其所蟒口如屋廣柱錫坐其中蟒化為石俗名蟒口岩

何岩(府志)在東北何嶺上俗名寒矧一名古何城東有卓岩下為何嶺延袤數十里平疇沃野

南明岩(府志)在縣東北何岩之西(縣志)在縣東北六十里(府志)峯巒聳秀下瞰平湖(名勝志)宋有

需禪師者莆田陳氏子得法于江西應乾禪師歸居蔡溪已而創萬安院于此墾田養徒百餘人初

聘君陳易往叅應乾乾令見需與之同處後易徙去蔡溪(需寄易詩)拂石跏趺樹影寬定回霜月照

人寒此時况味誰知得寫與秋藤居士看(易答需詩)年來多病愛棲禪寶鑑慵將照醜妍却憶南湖

孤頂月定回金磬落岩前

麥斜岩 在石所山之左亦名樵谷山前為陳公池左有兩石洞(縣志)在縣東北四十五里巨

石錯峙如鐵衣壯士索鞭儼立又有卧石縱橫上

聯下洞(名勝志)東有二石洞洞口有石縱橫上覆

巨石竇而入清冷逼人宋末有僧曰自永者結菴

于麥斜嘗有龍見木杪永誦經不顧又嘗汲泉歸

虎躡其後就飲永回顧徐云遠從何來其渴乃爾

年八十餘跌坐而逝顏色如生元林壁鄉以明易

譽重一時世祖欲授以美官壁鄉曰吾一門四忠

義父光世被遇宋朝未有涓埃之報何以官為抗

詞不受歸隱于此因名曰樵谷山(閩書)上有玉泉

岩元帝閣佛王宮羣山環拱如龍如馬如屏如縞

帶鉅如斷鰲幻如結屨莆人謂鯉湖勝以水麥斜

勝以山(明林俊詩)地幽塵不到僧靜午猶關山雨

鳴叢竹松濤喧暗湍角猿衝果落度鳥見人還束

縛超何嚮憑高意渺漫(又詩)林壑心期老未灰盤

仙遊縣

雲飛登歷崔嵬徑依斗折羅生合石作門含水迸
開梵閣眼明天亦隘仙龕月冷夢初回古梅布滿
何人跡鶴引孤山拄杖來鄭善夫詩今我不樂遊
麥斜石田瑀草搖春華洞門玲瓏駭初見細路窈
窈行未涯是日春光正駘蕩黃鸝布穀聲相向遠
樹葱菁色已齊古木詰屈神猶壯岩下山翁供酒
舖賞心豈復憂行厨雲端倘遇林樵谷為爾分張
石室書李元陽詩雁堂金刹入青冥樵谷山如綠
玉屏谷轉到門翻失寺石歌無徑但聞經猿馴厨
檻暮還至僧去岩龕畫不局乃信華簪妨杖履攀
蘿欲上為誰停吳達詩幽岩絕谷海天長雲外金
仙有法堂席上烟霞變昏曉人間寒暑隔陰陽野
興直須臨絕巖病軀因欲借借丹房閣
山玉筍堪終老見說藤蘿滿石林
滴水岩在麥斜岩東里許府志陡削壁立水自山
岩下涓涓不休前為石穴其口狹甚而傾

如建瓴好事者秉燭蛇
行以入屈曲十餘丈

鳴山岩府志在縣東北六十里石所山間岩石削
立扣之鏗然若空洞無物疑中有洞穴不

測可

善果岩通志在石所山間府志相近又有雲霄岩
極樂岩名勝志善果岩之巔有石如笏石

上有牛蹄井宋黃鍾詩句牧童
牧罷幾經秋一踏蹄痕竟不收

虎頭岩名勝志在石所山間石池清泉居然占勝
林光朝日為小武夷明一統志作烏頭岩

蔡溪岩在縣東北方輿勝覽在興化縣西六十里
新志在今縣東北六十里岩前有石如雙

關曰石門高三十餘丈廣百十丈石門之北峭壁
環立飛瀑數百丈直瀉而下瀑盡處為龍潭流為
仙遊縣

蔡溪又有普陀岩石壁間可坐三五十人相對有
羅漢洞石門之下有幻遊洞岩水至此會流如奔
雷聲瀦為一湖岩東有象王峰西有獅子峯名勝
志象王峯之下有望賞臺宋陳易結廬于其間臺
傍有藏真塢眠雲石唐智廣禪師先居此岩頂以
野菜為糧鄉人不知也後見溪中菜葉流出沂源
而得禪師因以菜名溪至宋郎中蔡樞從陳易遊
此因改菜為蔡明林大輅詩陰絕千盤嶺喧飀百
折溪風霆石齒齒天漢草萋萋談虎聽番
客彈猱任黠奚巢林雙倦鳥安穩足早栖
羅漢岩縣志在縣東北六十五里名勝志在何岩
禪師退居于此榜其室曰大懶閩書宋紹興中僧
慈信鑿池種蓮結亭其上縣令丘鐸榜曰蓮社為
記之

北山岩

在縣東北方輿勝覽在興化縣北十里縣志在縣東北七十五里名勝志在尋陽羣

山之巔

兩石峙立而負一巨石是為石室可坐百

人初泉源

不通相傳雷裂其石泉始迸出達于石

室之下

冬月不竭宋鄭樵詩西風洩洩片雲間一

夜寒泉卧北山倚杖

岩頭秋獨望稀疎烟壠是人

間方輿詩句夜涼靜對維

摩室高摘星辰咫尺間

有潦漲旁近皆淹沒獨墩上居民無恙

浮龜墩府志在縣東二十里紫澤觀之東相傳昔

羅漢墩在縣南門外府志在仙溪橋之上名勝志

乞食已則跌坐此墩晝夜誦經不避風雨後住福

州鼓山號別峰祖珍禪師開堂說法徒眾雲集

仙門洞縣志在縣西南二十里鍾石山下有石門

高潤文餘有白虹黃虹二滌有振衣石雲

仙遊縣

摩石(閩小紀)仙門洞亦何九君所宅兩崖壁立可
十許仞屈折西上有仙宮佛刹循洞口並澗上巨
石夾滌允為瀑布者十數級滌窮地益闢鷄犬桑
麻別為一區可五里得分水則屬晉江界矣禱夢
靈異不減鯉湖(府志)東有石刻云古有樵夫登山
忽遇一翁山中野服遊于岩下問曰翁家何處翁
答曰家此五百餘年矣樵夫怪曰何不見屋宇門
戶翁指石石開化鶴飛去後人建樓閣其所題曰
半空樓閣疑無地
一洞煙霞別有天
靈源洞(縣志)在縣西五十里文賢里(名勝志)梁山
井深尺許大旱不竭相傳有
女仙馬氏遺銅爐于其上
高望洞(縣志)在縣東北三十里高望山上巨石峻
峭立雲表山頭古塔禿突遠眺海潮浮青

送碧明崇禎間陳表朱建其子
玉棟復築寨于上至今賴之

古梅洞(府志)在縣東北六十里九鯉湖西廣丈許
修倍之上為九仙閣(名勝志)距湖西不數

步石高丈許相依成洞昔多樹梅于左右故名洞
西有石高二丈許舊名將軍石又數武有石如之

舊名道家蓬萊其下有石長數十丈夾流可坐百
餘人亦名丹灶洞之北有石高十餘丈名萬年石

(閩書)有元珠石湖水溢則元珠石與俱浮(明林俊

詩)山雀花枝亂湖風鬢髮寒入門驚老醜流水識

春殘秦洞衣冠古仙家禮數寬鶴駮浮碧外鷄犬

住雲端(章檠詩)一到仙山上塵襟便染霞湖聲騰

霹靂月色冷蒹葭瀑滅懸崖雪梅開古洞花茅茨

吾欲結早晚飯胡麻(無名氏詩)句欲探古洞穿梅

入更上危樓為月留(又)壇餘草

色丹空碧洞有梅花夢亦清
仙遊縣

白雲洞(名勝志)九鯉湖玉筋滌西折有數石相憑

白雲洞遊者至此

多迷惘不得入(縣志)在東南五十里太平橋西平疇

印石(縣志)在東南五十里太平橋西平疇

萬歲石(縣志)在西南二

烏石(府志)在縣西北十五里溪口有石高

透龍石(名勝志)九座山西有潭龍蟄其中時當亢

龍擦石(名勝志)在九鯉湖西石有紋縱橫如龍鱗

其形似龍鼻
名龍鼻石

三坑橋溪(府志)源出富洋

安吉溪(府志)源出九座之龍湫東

五里為龍擊溪出仙水橋南為西林

溪出崑崙山亦名崑溪入于大溪

渚溪(府志)其源一自阜洋坤村驚

坤溪(府志)其源一自阜洋坤村驚

會于石碑新橋一自白石山北流過拱橋東

新溪(府志)在縣東南三十里自阮莊直抵雙溪

既韜募工疏鑿造小舟
以便往來始通糧運

沙溪 在縣東南四十里源出新嶺南東流出雙溪

亭市東北為太平港入莆田縣界吉了小嶼莆禧

平海商販舟船皆集于此(縣志)自仙嶺之南東流

合黃嶺諸水至太平港入于海

(府志)溪旁人烟稠密號沙溪市

楓亭溪 在縣東南四十五里(通志)其源有二一出

溪從雙溪口合流出太平港入海(府志)楓亭溪在

縣東南四十五里源出縣南阜洋靈感院前合吳

坑水由王坂下洪而東與赤湖蕉溪之水合為九

龍溪(府志)宋徐鐸故居手植荔枝名延壽紅樹下

有井亦公所鑿上橫亘一石梁左汲水重右汲水

輕此理之莫測者(明)林慶亨螺江風物賦序極莆

陽而南地為楓亭與溫陵之北界相接山為青螺

與溪海之地脉相通水自赤水而東匯于螺峰之

下與沙坂之人家相為環遶其

人與物之所出非他處所比也

雙溪 (縣志)在縣東南四十五里亦名滄溪水

仙溪 (府志)縣前大溪一名南溪一名藍溪橫界縣

中首起西北受永春德化諸水東南行至縣前環

繞如帶東過青龍橋歷石馬俞潭出莆田縣為瀨

溪經木蘭陂白湖港入于海南北

可溪 在縣南七里(府志)源出香山潘岩北流入于
仙溪(閩書)元寶祐二年有湧錢之異錢鑄自
開元背有閩
字或福字

仙遊縣

九溪 在縣南十里一名九重溪(府志)水繞香山九曲北通僊溪(縣志)作錦溪在縣西南七里有

二源 一出自晉江一出自永春二水合流之處俗名交溪亦名九溪

周溪 在縣南十里(府志)東統昭靈龍井下接仙溪

焦溪 (縣志)在縣南四十里發源於阜洋統九龍山下

清澤溪 在縣南四十里(府志)有二源一自鐵鼎岡之背鍾潭龍潭發源流至北坑口與北坑

水會統牛山之陰一自鐵鼎岡發源統牛山之陽皆至山前入楓亭溪

蔣溪 在縣西南七里(縣志)其源自金沙九溪而來

神堂溪 在縣西七里源出富洋山

大濟溪 在縣西十里源出九座飛丘合眾流由耶志大濟溪東湖過石峽為飛鳥溪又三里為龜峰潭(府志)

南入三會溪

三會溪 在縣西十五里(府志)其源有二一出白隔嶺東過大旗山下古瀨村一出金華嶺東

山溪合大目溪入石壁潭南過文殊橋與古瀨溪合(宋林彖三會溪詩)風搖隴麥東西浪春入郊原

遠近花開趕溪流到村曲斷垣喬木兩三家(又)溪上橫岡一道斜成行鴛鴦落平沙竹籬茅舍雲中

見髣髴孤山處士家

大目溪 在縣西(九域志)軍西有大目溪(府志)在今縣西四十里其源有三一出九座岩一出

余溪 一出石獅嶺東流與眾水會(縣志)謂之文殊溪以西有文殊菴故名(閩書)舊有神僧大目居之

仙遊縣

溪水歲
早不竭

中岳溪

在縣西北(府志)發源于梁山之陰
經大圳溪東流六里與會仙溪合

余溪

在縣西北源出永春縣流入大
目溪溪旁有余姓者居之故名

飛鳥溪

在縣西北(九域志)軍有飛鳥溪(府志)在今
縣北十五里源出德化縣界流入大目溪

(縣志)

又有曲背溪在

縣西北九座山下

莒溪

在縣東北源出蔡溪
岩東流入莆田縣界

興角溪

在縣東北六十五里故興化縣西(府志)源
出東山下接郭洋溪逾尋洋連大樟入海

游洋溪

在縣東北(寰宇記)溪從興化縣前西流入
永泰里縣舊游洋鎮因此得名(通志)在縣

東北舊興化縣西源出上院山與郭洋石馬二溪

合為洙溪又與尋陽溪合為虺潭又與小姑水合

連于龜嶺溪逾永

福大樟以入于海

郭洋溪

在縣東北舊縣西北(府志)
發源銀頂峰入游洋溪

白洋溪

在舊縣北(府志)發源
石屏山下接尋洋

石馬溪

在縣東北(府志)發源
銀岩山下入游洋溪

尋陽溪

在縣東北舊縣北(府志)發源
巖陽嶺流經
鳧繹峰滙為鳳陽溪沿洙溪湯泉入游洋

溪

何岩水

在縣東北又東入莆田縣界(通志)其源有
三一自谷目溪發源銀頂峰歷碧溪經駕

仙遊縣

仙橋與眾水合出瀨溪匯于木蘭陂以入于海一
曰楊梅溪發源温山至龜臺岡西北與大陂火洋
二溪合其大陂溪發源石所火洋溪發源谷目口
皆與楊梅溪合東南流潞于鯉湖下莒溪為壽水
以入于海一自蓮花峰發源經莆溪出白馬嶺下
與長嶺小溪合經龍津龍汲去思三橋為壽水以
入于海

海入于
小姑水 在縣東北舊縣西北(府志)源出永福縣白
寶山沿姑溪北縈上姑而會于龜嶺溪

雙溪港 (閩書)在縣東南四十五里
太平港 在縣東南五十里楓亭市之北入莆田縣

太平港 在縣東南五十里楓亭市之北入莆田縣
界吉了小嶼莆禧平海商販船隻皆集于此

此(閩書)港有溪海會流石
刻蔡君謨書也中有烏石

黃龍坑 (閩書)在舊縣西北水出峽間潞為一潭點
然而深(舊志)一夕晦冥有龍自東祭飛入

亢旱禱
之必應

南湖 在縣學前(府志)舊引西湖水循西渠注此名
環帶秀水後塞明天順間修復周圍三百三

十餘步砌石淺狹未復舊觀(明鄭紀)畧邑治在
飛山南其南為學宮飛山西原有水混然出里許

淮為大澤以在邑治之西名曰西湖餘波南流繞
學宮之南東注迎仙館以在邑治之東名曰東湖

學宮之南西湖東注之所經者其環如帶俗呼為
環帶水西湖多植芙蓉有宋盛時衣冠故老每夏

月芙蓉正花買舟載酒遊泛其中舟楫往來歌聲
唱和西湖清風香氣交接亦仙溪一大奇觀也自

元以來環水決而南注二湖水脉始不相通居民
因侵為田而湖徒擁虛名而已天順間邑庠教諭

仙遊縣

泰和歐陽潘乃謀于父老茆宏贊等于是所決處
石築土為隄以障餘注西湖之水環流如故舊之
如帶者今皆沮洳矣因改今名而請記紀之是學
原在邑治之西宋咸平間始遷于茲忠惠正簡諸
公勲業名實照耀古今蓋適西湖環帶時也今如
帶者湖南注者東咸平後則又完矣諸士子沐浴
聖澤于茲吟風弄月
詠而歸者當何如耶
東湖在縣東朝京門外迎仙館前(府志)舊引南湖
水瀦于串珠池循縣東渠入東湖成環帶之
勢(縣志)一名東塘舊名烏石塘其側有巨
石多黑色夏月間蓮花盛開邑人賞玩
西湖在縣西郭門外(府志)發源大飛沿蘆竹壠
蔡次傳佐趙孟辯復故塘號楊公塘後與南塘東
塘並稱湖烟波浩渺一邑奇觀三湖今皆湮(縣志)

舊名楊公塘俗名西塘在北門外榕橋前(宋陳堯
道西塘記畧(編修吏部楊公守于莆仙溪其支邑
也邑之西有水而脉濬塘而淳二千餘畝事久弊
生湮而為田邑令蔡公邑佐趙公心乎愛民力言
其不便事聞惻然念之乃委令佐乃復舊塘疏窒
關狹迴環三百五十步駛流映咽如脉宣氣膏原
潤莽所覃者遠雖不獲助于天而每獲助于塘有
秋之望卒歲之飽於此乎卜之黃童白叟絲鳴管
語疇不鼓舞而稱快僉謀祀三公于塘之南里士
葉千齡破囊辦力斲梓攻礮壘址中沅翔輦復閣
經之成之規模壯甚畢工
索記于僕因序前說以書
赤湖在縣南四十里楓亭市西(府志)周五里土石
皆紫其下為焦坑地形如豹隱故號豹眠
九鯉湖在縣東北(九域志)軍有九鯉湖(府志)在縣
東北舊縣西南去郡城七十里漢元狩間
仙遊縣

何氏兄弟九人煉丹于此丹成各乘一鯉仙去因
名上有九仙宮前峙飛鳳後扈高陽其中一水沿
石礪由宮之左而下匯于湖澄泓蓄深不可測
前復通一澗兩壁夾聳石底平遠湖上下九瀆
上為雷轟下為瀑布為將軍出九瀆即為莒溪矣湖
星為飛鳳為棋盤為將軍出石底有穴小者如盤
之左右及滌之上水落石出石底有穴計每一穴兩
大者如白又大者如鼎鑊不可數計迂回虬曲泉
竅並立其中各相關通又于眾竅中迂回虬曲泉
脈亦相流屬云雖不雨亦不涸歲旱禱于溪南隱
隱若有聲一二日不止乃雨微也閩書自永福萬
山而下以百餘里雖有疇畝並在高原之上忽至
此山石硤天開懸崖無際數百里之水來入石竅
石穴之中注為石湖湖水日夜從高墜下巖石嶮
巖龍從水流噴激汨心駭目春夏之際其觀尤偉
名勝志漢景帝時豫章何翁其姬張氏生九男四

女九男目俱盲獨長者一眼為諸子前行翁與淮
南王安遊九子勸父俱隱不聽遂相與入閩初居
福州于山已而遊莆至西州謁胡道人飲以所居
井泉九人之眼盡開乃西行六十里結楓為亭而
居其中後東踰嶺入湖見重岡疊巖怪石交列湖
底皆石石各有穴穴各兩竅竅各相關紆回虬曲
因結廬以居于是九人煉丹于湖上丹成以食鯉
鯉變而朱其旁有翅昂首噴沫便招風雨湖水為
溢一日鯉數躍欲飛九人各乘其一上昇後人建
祠祀之湖上中坐翁姬前列九仙其一上昇後人建
傳翁有四壻曰張曰楊曰范曰信或云范乃邑人
為尚書九仙始至范知非常人日左右之已而竊
啖其丹面鰲黑欲死九仙憐而解以白鷄血乃甦
人有欲知未來禍福者先薦白鷄于范侯陳其所
求而宿于祠是夜得夢無不奇驗又閩書其父携
媪與女渡江入閩以覓九子抵湖則已仙去矣遂

仙遊縣

借隱于茲而以四女妻人遺銅環鐵鞭香爐山中
未幾飛于溪南磐石上雖洪水推激不去後又飛
于溪北林木上烏雀翔鳴環繞以萬計里人神之
即地作宮中奉翁媪九仙侍焉旁祀一神莪冠朱
衣面色殷黝凡有祈請必用白鷄血塗其口者范
侯也羽衣星冠坐于侯側者淮南王也又一神者
沈祖師也沈祖師不知何代人相傳號出南懷術
真人開山祖也明王世懋九鯉湖記畧出南門
北行已折而西入山霧滃九華巖巖出沒行三十
餘里聞澗聲甚厲見怪石林立已乃涉澗望雲際
高山當懸絙而登昇夫喘吁相屬十里而至項項
以爲西萬山綿亘下臨不測如是者又十里地稍稍
闢爲石田可耕可廬其陽碧水湯湯初不知爲九
漈上流也橋曰鯉湖度橋而登一嶺可半里許盡
嶺而漈見聲始喧目不暇接進至迎仙館入門更
衣而往數十里至水晶宮則湖當其前水晶宮者

九仙所宅也出就湖前小亭亭之西石壁巖岩佳
植籠映勒天下太平四字甚偉宋人陳謙筆也壁
下一巨石如鼓又一小石曰玄珠皆號靈蹟云覽
竟左折而北得古梅洞入焉洞之右九仙閣峙焉
登閣徘徊望湖水如玉雪可餐汲水烹茶始謀選
勝遂循洞出不數武而至第二漈其地北對水晶
宮水從湖中穿龍擦石下瀉長如匹練故以瀑布
名耳怒流爭汛聲若震霆從此而下徑益欹以兩
人掖行幾五百步而至第三漈稱奇絕矣其右一
石削成數十仞水從上垂垂挂數十行綴若流蘇
晶若聯珠是名珠簾水激濤湧噴薄飄空細者如
烟如霧粗亦如霰如雪粉珠屑玉簾外都無勺水
誰謂南中不雪耶予意猶銳觀第四漈群曰此以
下登絕矣滑不可行乃就選石筭踞布席復飲對
視鳳臺岡其上灌木萬章其下鐵色萬仞仰望湖
瀑俱不可見但覩銀濤澎湃皆從樹杪下令人毛
仙遊縣

骨清澈眺路旁一石高丈許中為半瓢若洗若削
賈勇而登前望飛鳳盤龍兩山愈親遠水蜿蜒上
映石壁又一奇觀也日且晡乃徐步而返立水晶
宮前亭四顧穿山稠木中闕為湖下無片土豈非
天為神造此境耶出亭而東為蓬萊石屹立雷轟
滌之右旁施小閣步閣而南為巨石數十丈偃卧
滌中江督學以達所鑄詩處也時已薄暝閉門靜
息晨起復與客遊石梁先視所謂丹灶灶無慮百
餘處蓋石嵌空似之耳水漫流其上色加澄而垂
綆有數十丈或云與下四滌通理未可測也及抵
石梁廣可六尺修倍之四旁若斷上平如砥左顧
則雷轟滌建甌而下右盼則湖流下陸如弱水于
時陰霧霏霏別為空濛景須臾與山靈別歸行二
里許鳳山更出吾南復傳輿睇視久之乃去竊謂
茲山故饒奇石乃湖水從永福萬山中來歷數十
百里而九滌之石造與遇合益為奇麗快心醒目

自匡廬鴈宕外不多見也宜為神仙所窟宅云郭
一林鯉湖迅覽記畧閩以洞天福地著志載武夷
以山勝鯉湖以水勝予謂鯉湖勝在水而又勝在
山也蓋從福省歷永福逾蔡溪而及湖嶺屹立龍
岷突起峻奔是為高陽其水左旋滌洄以入于湖
飛鳳拱于前龍盤鳳凰二岡互拱于前之左右漢
武帝時何氏九子煉丹于此丹成鯉化說夢度人
時七閩未有文字迄唐始隸職方自唐迄明多有
題詠洵洋洋乎巨觀也哉嘉靖間觀察張謙立水
晶宮于前湖以東北嶺孔道有亭焉為入湖第一
關越平處有迎仙館湖滌疊流鳳岡前拱不數武
危石疊峙嶙峋如削唐元祐間僧永瑞架湖光亭
其上尋作鐘鼓樓罷司寇彭從野扁曰觀瀾樓更
曰望仙閣湖西宋待制陳謹篆天子萬年于半空
石上閣中奉仙翁仙媪九子侍之上崇玉皇衛以
六將稍下而東有梅花洞古幹猶存香氣不絕其
仙遊縣

底魏石層疊居然天作龍洞西一石高廣名曰瀛
洲若曜仙石元珠石鼓石俱位置于湖之左右以
錯奇觀湖則深廣澄泓盪人胸次將入湖半里有
深壑傳九仙洗藥處字曰石槽降而灘水從亂石
中出傳九仙烹鷄于此字曰黃鷄灘迤而長石廣
八九尺高五六尺四旁類削傳九仙共眠其中而
令黃鷄報壽字曰石林旁有圓石長幾五六尺空
中蓋頂稱九仙藏丹器亦稱承露醕與石相相近
從此一望長流石底平直如砥竅穴百餘名曰丹
灶而第一蓬萊至矣漚流倒瀉激湍傾峽榜曰雷
轟為一祭歷枕流石擦龍石龍鼻石而洪流巨波
垂匹類練標色類玉榜曰瀑布為二祭自觀瀑亭
沿瀉而下萬丈沿洄怒濤奔馬水激石而成璣泉
倒瀉而垂幄以珠簾榜之為三祭有觀瀾亭旁東
水從盤龍山來玉泉沛溢判垂兩條祭居四曰玉
柱亦曰玉筋玉柱去珠簾不遠雙祭清流並歸巨

壑從茲壁削崖懸石屏列嶂平處亂石錯繡若砥
若浪可容千餘人箕踞觀瀾崖有石室仙人偃仰
于中去玉柱里許兩岸參天石勢對峙榜曰石門
祭居五越餘二里崖峻林靄徑曲雲封惟跣足褰
裳方得偃俛而行過此有巨石五形類聚昂榜曰
五星祭居六曲水環流削壁拱立中有林際岩距
數里乃湖前飛鳳山水注其中因榜飛鳳是為七
祭山右蔚鬱香翳傳九仙奏樂其上岩谷響應曰
樂應岩下有石龕古沈真人坐忘處也後祀大士
曰觀音龕祭水流其巔復曰通潭龕歷下一石修
廣數丈上下四旁俱如繩削因榜棋枰是為八祭
猿攀下行與飛鳳交祭處泉從穴出樹倒峽懸不
數武兩石鵠立類猛將介胄震憾不動榜曰將軍
是為九祭蓋自藥槽踵莒水延袤廿餘里奇石怪
泉難以枚指古所云山以仙名不必赤城王屋况
餘赤城王屋水以龍靈不必洞庭震澤况饒洞庭
仙遊縣

震澤余所云鯉湖勝在水而又勝在山也敢以質
之採勝之人黃錄遊九鯉湖記略予遊湖上盡日
湖廣不數步水淵以深風微而和煦然瀏然有如
明鏡風或北來草木俱靡忽焉殷殷轟轟有如千
雷萬霆發于岩竇之下使人愕然自失起而視之
白浪排空飛流濺雪落數百丈之外又如錢塘八
月之潮衝山掠岸不可遏止其雄也如是歸宿湖
陽明日遵微徑止西山觀所謂石墻者高及肩下
臨無地還北山坐湖光亭中由亭而東大墻石可
坐百餘人其石有穴凡數十其大如輪如斗如盆
如盃其小者僅一二寸或不能寸皆不可測試之
以篙而續之以千尺之綆未嘗知其脩者有灶焉
斯石之竅也水流其中出其旁入于湖吾不知昔
之煉丹者于此否也湖北為黃鷄灘南為茶槽潭
湖水東南行被崖而下為瀑布而潭而平又繞山
而行不知其幾曲而為莒溪為壽水其終入于海

此其大畧也唐許稷詩道是燒丹地依然雲水居
山空人去後夢醒客來初溪雨飛沙霽石門隱霧
虛高歌對明月松影落扶疎陳乘詩汗漫乘春至
林巒霧雨生洞梅黏屐重崖雪濺衣輕窟宅分三
島烟霞接五城却憐饒藥草欲辨不知名徐寅詩
到來峭壁白雲齊載酒春遊度九溪鐵嶂有樓蘿
欲墮石門無鎖路還迷湖頭鯉去轟雷在樹杪猿
啼落日低回首浮生真幻夢何如此地傍幽棲鄭
士良詩仄徑傾崖不可通湖嵐林靄共溟濛九溪
瀑影飛花外萬樹春深細雨中覆石雲間丹灶冷
採芝人去洞門空我來不乞邯鄲夢取醉聊乘鄭
國風宋徐師仁鯉湖懷古詩晨踰九仙山暮訪九
鯉湖何氏兄弟跨鯉魚同時輕舉排天衢山頭雲
氣故恍惚三十六鯉魚今有無瓊漿白日醉天闕何
日華表歸來手傳楫詩偶有尋真興携琴扣竹關
岩頭青嶂合洞口白雲間火伏丹猶濕棋殘局已
仙遊縣

斑遊人迷去路疑是霍童山(徐鐸詩)昔年曾此一
尋幽今日重來訪舊遊羽客有情迎別館仙人何
處隔滄洲珠簾丹灶遺踪在玉樹蟠桃勝蹟留欲
借一樓長息影閑吟花鳥任春秋(黃艾詩)九鯉山
頭爽氣芬潺溪九滌隔溪聞青嵐高障海東日碧
洞流穿湖曲雲坐聽猿聲來嶺岫夜看月色度榆
粉無緣能結茅齋宿綠水丹山欲共分(陳俊卿詩)
湖水日潺湲空山生霧雨丹成人已去騎鯉向何
處(明林俊詩)赤日午尋見山冥欲作雲石枰約樵
侶湖藻狎魚群木亞峰平出天低語倒聞碧笙時
借鶴麾手謝囂紛(鄭岳詩)擁被宿雲館神清夢亦
安水聲喧夜雨山氣挾春寒簷箔明星度溪薌白
露團神仙隱名姓厓上不須刊(江以達詩)深山病
骨微山霧晝霏霏載酒穿松徑焚香導羽衣心懸
青鳥下(意引白雲歸未識桃源者相從路不違)康
鼎成(詩)久學秦人避空聞漢主求鼎爐無鳳髓石

室有龍漱谷扶千峰雨湖生六月秋塵蹤應自息
長嘯下溪鷗(鄭善夫詩)湖光亭上日如年湖光亭
下春可憐雲芽石齒無數好水瀑珠簾相與懸長
笛幾聲欲忘我短林一枕能非緣天地到此莽空
濶猿鶴避人何靜便(王世懋詩)竹杖匏尊九滌頭
狂呼赤鯉佐遊春深白雪驕常在天倒銀河莽
自流石壁雲中飛鳥絕波濤地底蟄龍愁醉來雙
鳥能成夢踏遍仙人十二樓(余翔詩)崔嵬樓閣俯
澄湖湖上仙人竟有無赤鯉何年飛碧漢白雲猶
自滿玄都寒潭倒映三珠樹列嶂高懸五岳圖即
此避秦無不可風塵容易歲華徂(方沅詩)共躡仙
人十二樓千山積霧迥然收世傳茅氏鞭龍去誰
伴琴高跨鯉遊丹灶霾雲開洞壑黃梁有夢到滄
洲竭來玉笛凌風起吹徹梅花九滌頭(張執詩)暝
雲竹徑濕蒼苔雲頂珠宮絕點埃澗水遠分山色
斷林猿時帶笛聲來唐朝百載惟詩在漢事千年

仙遊縣

若夢迴湖鯉猶傳靈異蹟無人不知道是天台(宋劉克莊詩句)小派猶成瀑低峰亦起烟(明鄭善夫詩句)山川進竒窟天地入蕭騷(丘其智水水晶宮詩句)三花五石歸中鼎明月清風共一樓(陳文燭望仙閣詩句)不緣海氣能為屋自是仙人合有樓岡鳳飛來常五色山龍盤去已千秋

雷轟滌(府志)在湖東水自龍盤去已千秋有茶潭一名藥潭淵泓可玩(名勝志)水從何岩出而西流注于此竒石無數淵洶激盪聲喧唳如雷傍有巨石可坐可觴昔九仙飲黃雞于此因名黃雞灘浴之可以已瘡滌東巨石如底有穴焉大者如鼎如白小者如甕如孟其中眾竅各自相通故其貯水溢則俱溢戒則俱戒好事者垂百丈之綆猶莫得其涯溪昔九仙修煉湖中以鼎跨穴上穴中水自沸故名丹灶丹灶之左有巨人足跡長三

尺許足跡宛然深入于石俗傳何氏所棄入閩敞屐跡也黃雞灘東有石林廣八九尺修三之高可六七尺旁皆類削成相傳九仙設此林令從遊者卧之去石林百餘步有石廣圓可六七尺許上復有小石如蓋覆之或云何氏酒尊(宋蔡佃詩)水流石激擬鳴雷洞裏乾坤別有臺玉馬扶風飛復下瓊花帶雨落還開鐘聲敲斷白雲裊樹影盤迴黃鶴來笑道神仙無處覓空留丹灶冷荒苔(明林兆誥詩句)石林東畔草萋萋流水無心鳥自啼不識當年酣玉液幾回醉倒白雲西(趙敏政詩句)醒即題詩醉即眠石林尊酒恰相連一杯已出風塵外不是詩仙是酒仙(林大輅詩句)黃雞喚醒邯鄲夢丹灶寒生小有天(江以達詩句)身伴白雲眠石榻夢隨黃鶴上瑤臺(方克治詩句)藥鼎空浮珠樹露石林惟卧洞天霞(林遷喬詩句)雲氣蛟龍時自奮瀑聲雷兩日長流

仙遊縣

瀑布滌(府志)在雷轟西相距五十步水遵龍擦石

(詩)玉練何年落碧天古今風雨尚依然(明林東興)

分明盡是仙機巧長付銀河日夜懸

珠簾滌(府志)自瀑布滌洄而下約五百步兩石夾

再折而去散為烟霧其下即萬仞之壑魚龍所宅

夾滌之山有瓊芝琪樹削壁懸崖罕得而涉(閩書)

崖高蔽日或晴霽當午乃日映水花五色如虹壑

底喬樹森鬱泉飛出其上(明林雲同詩)捫蘿度深

篁懸磴驚如線靈局忽已開觸日坐成眩危石瀉

銀流千尋垂楚練咫尺對珠簾噴薄日相滅萬壑

爭喧飈千岩競葱蒨石城亘長空縹緲飛瓊殿(劉)

鳳詩(谷館)即元樓滌灑漱丹液潛似沉疴去恍如

塵霧釋高吟入重漢迸水下千尺泣泣幕輕綃霏

霏濺驚石紛疑散瑤藥淨可匹琳壁氣深寒霰雲

霜空露華白金膏蘊珍怪玉竦測泉脉乘茲清響

哀重以其心適方希乳穴前一整飛霞術丈人儻

歸來千秋隱仙籍(何南金詩)平生大快有今日千

山震撼起蕭瑟觀瀾亭下不可梯前人後人踵頂

襲藤枝未穩莓石歌耳根欲往脚跟失已將應接

替眼花復著清寒作膚粟懸崖蛾伏試一臨玉筋

有端伏無卒躋攀更作褰裳往水上盤陀可容膝

蒼崖萬仞下無底捲雲崩雪相擠入排空蕩竭星

海源倒壑漱出虞淵骨四圍山色青蒼密其中有

縫可容蝨衝開天岳巴山痿臂破蓮房并剪澁烟

霞不療俗吏負手板簿書更相急猿入果園龍入

海獨何為哉等閒出(林世璧詩)素箔何時挂經年

碧澗頭幾行鳴玉瀉萬丈倒空流月照還無影風

吹欲上鈎誰能一為捲會見五城樓(黃懋冲詩)半

壁飛泉瀉向東金鈎不捲挂晴空光懸明月垂垂

白影透斜陽箇箇紅萬斛高檯真燦爛一塵不染

仙遊縣

自玲瓏獨憐舒捲人何在猿鶴悲鳴兩岸風王世
懋詩句垂珠墜峽難成水玉屑飄空半作雲又詩
句春深白雪驕常在天倒銀河莽自流
葉向高詩句落處皆成霧飛來盡作花
玉柱滌(府志)去珠簾不遠水自湖西南盤龍山頂
閩書堆埼礫石當其前崔嵬萬仞折而西復有岩
百人盤龍山中虛可容數十人明皇甫濂詩夕投
數石憑藉其中崖歷幽谷夾瑶林飛篁挂蒼壁玉
藥珠宿旦啓元源歷幽谷夾瑶林飛篁挂蒼壁玉
沫揚清風晶簾薄華日響奔白雲濤滌落素練匹
鄭元輔詩句石門劈地開仙島玉柱擎天壯帝京
趙維垣詩句珠簾不捲四時雨玉柱常擎半壁天
黃懋官詩句懸崖兩柱遙似玉笑指當年辟穀遺
陳庚生詩句不捲珠簾常
映月雙懸玉筋可飡霞

石門滌

(府志)在珠簾之南去湖十丈二石嵒一
水中流(閩書)湖之第五滌也滌至是返望

雷轟如狂天門(名勝志)林木蔽虧多龍修之草時
有白鹿遊其間角長五尺許(明)林大輅詩寒濤溪

欲曙晴巖日初懸坐協滄洲趣石門生紫烟山人
談服食問我挂瓢年一笑瓊花在娟娟媚遠天

五星滌(府志)北距石門二里許過滌左有鳥道可
丹竈三口水光射人如三星道人指明慎蒙記稱有

又云湖傍九滌一滌或五里十里遠者二十里皆
自高趨下路不滿三尺行者駐足于草樹榛棘中

兩人以布曳于前後遊者以手攀援而下至五星
滌觀止矣(林)大輅叙畧湖之奇以九滌兩山夾峙

奔流界乎其中然崖谷斗絕草木蒙茸非攀蘿墜
壁則不能至而時有顛墜之虞余頃募工開鑿九

為磴道始得至懸崖下仰睇珠簾真若銀河從九

仙遊縣

仙遊縣

仙遊縣

仙遊縣

仙遊縣

仙遊縣

天落也自此過石門歷飛鳳孤嶂入雲深潭見底
崑洞相錯窈窕玲瓏因趨仙人棋由將軍滌出苔
溪道上以後遊者竟從此滌入層累而抵九仙宮
亦尋真之一快矣明余翔詩懸崖千樹畫冥冥灘
上精靈聚五星我欲齋心
看道籍移來午夜照疎櫺
飛鳳滌府志去五星二里自飛鳳山十里之外始
縈迴為滌下有石名觀音龕石名勝志滌
下里許有石虛中如龕龕外石罅若天窓中可坐
十餘人相傳開山沈真人坐化之處其上有一潭水
色深碧中多虬螭水流從龕頂而下名過龕潭相
傳潭水有毒不可汲惟過龕者其味頓殊飲之髮
鬢久可冲舉明余翔詩何物仙山不可招九苞曾
說伴王喬只因誤啄金丹粒謫落人間聽玉簫王
世懋詩句骨立群峰多
鳳翥光搖五岳自龍文

棋盤滌

府志距飛鳳里許滌中一石修廣數尺風
雨中或聞棋聲名勝志四面如削成旁復

有石其狀如人或以求藥至往往聞敲棋聲明林
有年詩殘棋著罷暮雲收洞裏乾坤只自由鶴化
丹砂三島外一聲長嘯海天秋又遊人詩千日光
陰一局棋爛柯人在至今疑當時劉項爭何事不
肯旁觀
住片時

將軍滌

府志滌盡處兩石雄壯如武夫當關出此
即為苕溪矣名勝志在棋盤下數里自湖

至此不啻二十里寂無鳥聲而有獸跡崖谷懸絕
即縋而下復引而上或作猿攀或作蛇行雖豪舉
之士窮日之力不能至間有至者亦不能導故道
返也晉人有名衍者失其姓遊九滌中迷路餒甚
遇老人飼以粳棗久而靈通後隱龍津北山舉家
仙去隋時有號潛翁者遊此見一叟携籃採藥心
仙遊縣

異之拜乞長生藥叟與以數藥俄失所在翁後遂
煉形于石壁山養白蝦蟇自隨久亦化去(明余翔
詩)辟穀仙人不可從雲山髣髴武夷蹤將軍不是
封侯骨也學文成訪赤松(黃樾官詩句)玄關特遣
將軍護不使塵凡到此來

龍岡滌(府志)在廢縣福興里今興泰里上有潭其
口如甕中廣水清俯視潭半又一石如疊
甕然深不可測俗呼重潭水出潭底下流為滌其
勢甚高下有石洞其口盈尺深如重潭又有仙人
滌源出峰

山之下
徹雲澗(名勝志)九座院西有大澗出于窮山羣石
堆積水下觸石其聲錚然如鐘磬環珮(縣
志)光徹雲際故名(無名氏詩)延綿不可窮
寒光徹雲際落石早雷噴濺空春兩細

龍潭(府志)在縣東南十里永興里吳坑山下
又卓洋龍潭在縣南三十里香田里

鐘潭(府志)在縣南六十里慈孝里鐵島岡
之背相傳有大鐘飛入陰雨有聲

龍潭(名勝志)九座山徹雲澗北上五里許却入澗
中巨石之下寬餘一丈深二三尺湛而清旁
有陰竇

莫測

夫人潭(縣志)在東北六十里興泰里興角溪中(游
洋志)東甌吳氏女善為巫步常布席水上

禁潭
故名

七星池(府志)在縣城東南隅四
西北隅三舊鑿以禳火

瑞蓮池(縣志)在縣署西北宋乾道四年張綢開塘
為池而瑞蓮生焉因名今堙塞僅存文許
仙遊縣

在施家對門園中用磚砌築狀

如判形有泉清冽大旱不涸

溫泉 在縣東南永興里雙林院前一在縣東北安

石中其泉有兩三

穴如井泉出如湯

呂泉 (縣志) 在縣南五里孝仁里峯岩之

聖泉 在縣南七里平陂上 (府志) 一名龍井旁有昭

湧灌田千餘畝秋淺微冬枯涸春農將作設祭方

水有驗 (閩書) 唐時有法主聖妃以鐵鞭引泉從地

中行灌田千餘畝 (縣志) 今立

宮以祀聖妃亦曰聖泉宮下有淺穴無水

錫杖泉 (縣志) 九座山樓真岩下有清甘絕異

鳳井 (縣志) 在縣治東右井舊埋明隆慶間復之

錦井 (縣志) 在縣東官路下十里深三四尺

道井 (府志) 作道者井 (縣志) 在縣東二十里折桂里

竭傳昔有僧伽

經行卓錫于此

蟹井 (縣志) 在折桂里崑崙山頂相傳井有巨蟹欲

應

東井 (府志) 在縣南十里石牌東溪二嶺之間溪中

跡鞭 (宋志) 作張趙

井謂張趙跪飲于此

仙遊縣

竹房井(縣志)在西二十里仁德里
坑頭村石篆宋寶祐間造

關梁陳腫關

在縣南又南即惠安縣界(聞見錄)縣西有石獅隘接永春縣界明嘉靖中倭賊常出

沒于此又縣西南數十里有大埔
隘又數十里至長嶺即惠安縣界

陽山寨

在縣東二十里折桂里

廣橋寨

在縣西南二十里路當晉江南安溪之衝流賊多由此入明弘治中義士魏昇設

木為寨

嘉靖二年蘓廖鎔重疊亂石設關固守其南為南關寨亦魏昇所設蘓廖鎔重脩

白嶺寨

在縣西四十里萬善里路通永春德化寇發多由此入境明嘉靖三年寇頓永春蘓

廖鎔率民兵于此保截橫岡壘石為城中為關門

十六年蕭弘魯奏移莆田縣小嶼巡司于此二十

二年移于縣西三十里文殊寨路通白隔嶺後又

燬移住城中(縣志)文殊寨通永春德化諸縣商旅

仙遊縣

多有往來

磨石寨

在縣西北五十里磨石嶺路通永春德化昔沙尤寇在此出沒其北為蔣早寨在縣

西北五十里

蔣早嶺與石獅磨石皆為外寇侵掠蹊徑防禦為切而磨石尤要

石馬市

縣東二十里又東為俞潭市與莆田縣接界皆仙莆大道俞潭有公館明正德間建

沙溪市

在縣東南四十里南北往來孔道

龍華市

在縣西南十里仁德里長一里(九域志)縣有太平碧潭龍華三鎮太平即楓亭碧潭

在縣西萬善里

蓋即潭邊也

大濟市

在縣西十餘里長一里舊名大圳後改

潭邊市

(縣志)在縣西三十五里萬善里舊有鎮寨嘗置巡司又有中岳市在縣西北五十里

文賢里皆為山中關隘

楓亭驛

在縣東南五十里有楓亭市街長三里東北去莆田六十里東南去惠安五十里東

通黃石

西通本縣唐為楓亭館宋嘉祐間改名太平驛元至正二十六年重修復唐故名曰楓亭驛

明因之

洪武二十年置巡司尋移于莆田縣小嶼

本朝康熙元年

築堡自驛左至黃石巷又有官城

本朝順治十六年

築以遊擊鎮之(府志)明正統間知縣

楊公勝

重建皇華堂嘉靖元年知縣蕭公弘魯增

建楓溪公館

後燬太守易公道談重建萬曆間知

縣徐公觀

復重修(宋蔡襄)太平驛(記畧)興化軍仙

遊縣太平驛

在唐為楓亭館今門有新題而鄉俗猶舊其名蓋所由來久矣嘉祐元年始作廳事六

仙遊縣

月襄自泉移福貽書鄉人共完堂室二年再臨泉
州時殿中丞知縣事閻君仲甫來况行舍曰此吾
之所治也于是上蓋旁立不完與正者易之閻廡
隘狹掃甃朽缺者去之治材于公民不知勞旬月
大備使者行部王人乘傳之南者以舍息便安之
美為言予嘉邑大夫能修其職適事之宜又私自
幸于東歸也與夫鄰里有徘徊之頃實被其利斯
可忘哉因取貽鄉人書兼載所造列之屏著之側
昔人郵亭不修見譏前史唯事無小乃政之紀五
月二十八日記元吳公源記畧楓亭驛在唐為風
亭館宋為太平驛名仍唐之舊而堂室完美殆過
宋時北至莆城六十里南走漳泉廣粵道所經由
乘傳舍息恒無虛日多事以來使客百倍于昔驛
更至不能供故恒選廉明有才幹者以監涖而節
縮之至正二十有六年夏今平章政事陳榮祿公
以師南平興化漳泉表廉革污一新庶務以福州

錄事劉公世雄為賢且材俾總楓亭驛政君多為
之規措剛正以折其私通達以輸其情而明信以
要其效不數月而驛修整使客得安居豐食之樂
往來之便而無敢有橫求而過取者吏相與從事
而民亦皆願以惟正之供上下安然忘其昔日之勞者也

石馬舖(縣志)在縣東二十里又長嶺舖

沙溪舖(縣志)在縣東南四十里去郡城五十里連

城六十里楓亭驛又風亭舖在縣東南五十里去郡

躍龍橋(縣志)舊在儒學邊湖東堤口明嘉靖間建

青龍橋(縣志)在縣東三里石鼓山麓宋嘉定初

建號安利橋並建亭三十六間明永樂以

仙遊縣

後屢圮屢修弘治十六年重修改名青龍亘五
六丈萬曆辛卯移建上流數十丈凡十有八門改
名登瀛天啟二年移建靈陂之上因溪勢廣濶改
為二橋東曰金鳳南曰青龍中築大墩尋復就圮
至今病涉明鄭紀記畧卧龍橋始名安在邑東
三里石鼓山麓宋嘉定間陳謹所造明永樂初回
祿為災至成化乙酉邑人相與復之橋成落讌其
上以其氣勢崢嶸如龍卧淵且地相色治屬東方
七宿改今名云為墩十有五為馬頭二為門十有
四墩高二丈四尺門置六梁梁之上為棧道棧道
之上覆以亭亭三十四間西岸之馬頭後為洪水
衝齧故鑿為門疏水勢也皆出諸父老之勤勞
而予先君子松菴居士泊柯歸樂先生與知其簿
會沙門曰惠陽者實經理之始事成化乙酉十
月成于辛卯六月凡七年夫橋利涉耳山川形勝
未必由此然宋時吾邑衣冠文物甲閩中是橋造

極完壯至後頽廢浸以湮索橋力亦不可誣宋嘉
定至今三百年餘名籍功載猶有可考故今得因
其舊址而復之異日視今猶今視嘉定也故書其
事跡大都並名氏于左方以詔後之人陳經邦記
畧仙遊縣東四里許有長虹垂溪亘五百六十尺
覆以甍榱翼以欄楯行人武相接其上者安利橋
也蓋自宋之嘉定建之所從者悠邈矣入國朝而
壞成化乙酉尚書鄭公紀為翰林賜告倡里人重
修之更七年乃始就緒未幾屢壞屢修終公之世
凡四役而橋之名卧龍青龍亦再易云後又積壞
嘉靖間周侯希程嘗謀修之弗克嗣是益大壞涉
者病焉隆慶庚午關侯玉成來為邑即懷興復遂
聚民而謀捐俸興事而民亦無敢後命白之郡守
徐公報允侯出其祿金邑博陳君策等爭率錢佐
費有差又得廢橋二所撤而足成之募工起役慮
材具物擇耆民之好義者分董其事始工于孟春
仙遊縣

至季夏而告成為門十有七墩十有八悉復舊觀而軌踵往來稱坦途矣橋之東岸建亭三間足以

肅賓從而紆眺覽侯載酒往落易

其名為起龍蓋深寓作士意也

仙水橋(縣志)在縣東二十里折桂里仙水靈惠廟

北行者病之(府志)宋郡守趙汝愚初為本縣丞嘗

乞靈于廟有十九年再來之語後守此邦乃捐金

倡建今廢

石馬橋(縣志)在縣東二十里香田里石馬村宋嘉

明初設官渡隆慶中重修

康熙初復圯其水發源于銀岩上下接小姑水縈

繞于龜山(明)李燦箕石馬橋記畧石馬之有橋也

蓋自宋崇清侯陳讜始元末燼于回祿國初再闢

本朝

而恢之仍覆以亭亦傑觀也比修不一人今復病于舟子之招晏侯善成謀于縉紳好義者樂為施乃擇厥任乃鳩爾材閱歲告成裳不民褰文以運蔚人但知侯為士民豎伐于一時而不知侯造福于仙邦者允奕世為烈也崇禎戊辰年立

金鳳橋(縣志)在縣東南十里永興里舊

太平橋在縣東南五十里楓亭市雙溪所會宋邑

亦名洪公橋又有金鳳橋一名雙鳳橋在楓亭溪

東錦橋在楓亭市沈橋在雙溪港頭宋建坑

邊橋在楓亭市沈橋在新市陂下未有太平橋前

記畧按郡邑志楓溪太平橋一名金鎖作于宋慶

曆初實里人洪長者忠以家貲創造十年就緒自

慶曆至今五百餘年其間傾圮修補碑刻弗存不可考橋之南有集英亭作者修者亦不可考至明正統丙辰歲久弗支里人鄭彥輝倡浮屠文慶勸里之有產者捐貲鳩工改作自丙辰至弘治壬戌又六十餘歲棟宇視前更狼狽鄉耆老薛瑞昭陳思誨諸人謀復其舊募緣措置一依前丙辰步武後五載丁卯六月淫雨為虐橋以是月二十三日夜殷殷作聲二十五夜南頭一門衝決梁欄檻削去無餘而亭亦削過半值按察官以分巡來亦為之阻厄因命楓溪主里者薛文仁等同力募眾以修治之建功于是年十月朔日畢功于明年戊辰三月二十三日而橋復成陳思誨子體行能繼父志與前共事者並力措置以補造之亭與橋同日興工亦同日告成里之好義者共議立石以記其功而請紀于余

清澤橋(縣志)在太平橋西南上有亭明成化間修(宋蔡襄清澤橋詩)橋上修篁下碧溪吾家原在此橋西成時不似人間世日暖花香山鳥啼

仙溪橋(縣志)在縣南迎薰門外舊名昇仙橋俗呼

本朝

康熙三年橋北三門圮四年春色人倡修(縣志)明

萬曆間里人于橋中懸流構閣東西各出橋丈餘

高如之西塑大士像東塑羅漢金身中為通行要

道兩旁俱列石欄每年六月十六日夜聯橋架燈

光照天水萬曆甲寅夏大雨橋閣俱圮惟大士像

獨存里人乃復構閣于橋之北岸乙未年被焚

通仙橋(縣志)在縣南五里孝仁里城山村舊名城廢

仙遊縣

聞喜橋(縣志)在縣南五里孝仁里下頓村孔道

沈橋(縣志)在縣南三十里連江里新市陂下未有太平橋前驛路從此經臯霞抵侯攬街出

學古橋(縣志)在縣南六十里慈孝里牛山下宋蔡襄建元僧開山重修

鹿鳴橋(縣志)舊名東溪橋在縣西三十五里萬善里中嶽院右里碧潭菴東宋建明成化間圮鄭紀重建

落成日聞鹿鳴改名

朝天橋(縣志)在縣西三十五里萬善里中嶽院右舊名中嶽橋明正統五年重建改名萬溪

橋成化間鄭紀重修疏為三門作亭其上改名朝天橋

大濟橋(縣志)在縣西十里善化里大圳村九門長三十丈廣八尺高三丈宋建明屢修

本朝順治三年

圮重修

金馬橋(縣志)在縣西四十里善化里文殊溪口宋建後圮

本朝康熙元年

年修

赤石橋(縣志)在縣東北二十五里安賢里兩山之麓跨赤石溪鎖兩溪之水明建

本朝康熙中重修改名錦橋自橋透迤而出有九滌一

曰浴盆二曰玉井三曰天鼓四曰偃月五曰丹葫

六曰珠淵七曰猶龍八曰石門九曰嘯虎

宣化橋(縣志)在縣東北舊縣南宋建上有樓曰豐登

鯉湖橋(縣志)在九鯉湖道旁

仙遊縣

仙水渡(縣志)在縣東二十里折桂里舊有橋圯置

三十里青龍渡

張氏仙塘(縣志)在縣城東廣七八畝宋張招

古蹟清源故城

在縣西北唐置屬泉州(元和志)仙遊縣

縣西界于今縣西北十五里置清源縣天寶元年

移于今理仍改曰仙遊宋改屬興化軍(寰宇記)在

軍西八十五里大飛山前五里(九

域志)在軍西七十里即今治也

興化故城在縣東北宋置即古游洋鎮也(寰宇記)

田縣地太平興國四年于泉州游洋鎮置興化軍

以游洋百丈鎮共六里仍析莆田縣二里置興化

縣至八年從轉運使楊克讓之請以游洋地不當

要衝移軍治于莆田縣以興化縣屬焉(九域志)在

軍北七十里(府志)游洋鎮在縣東北八十里興泰

里萬山中元皇慶元年遷于莆田縣界湘溪明正

統十三年省分其西北永貴鄉尋陽

興建福興來蘓四里為興泰里來屬

仙遊縣

鷄子城在仙遊縣東北十里相傳越王無諸所築

傳為越王所築遺址尚存

(舊經)其城靈異不假改築

唐張濟故宅在縣北八十里大勳山下汾陽村

李尚芬故宅在縣西北八十里唐神堯皇帝七世

孫居閩中天寶間以戰功為奉天定難功臣五代

漢乾祐間遷居邑之汾陽宋初收錄前代帝王子

孫授尚芬孫庭芝泉州教授(縣志)子孫世居時有

白牡丹之祥(宋)陳謹賞汾陽李氏白牡丹詩二首

玉色天然賽渥丹亭亭並立倚朱欄正然不語偏

舍思若使能行却厭看曉來玉露泥香腮雪態雲

棠紗剪裁不比世情隨

冷暖此花端為老人開

鄭良士宅(縣志)在縣南五里孝仁里鞏橋西有白

岩故墅(閩書)良士舊名昌士字君夢博

學善屬文昭宗景福二年獻詩五百篇授國子四

門博士累遷康恩二州刺史兼御史中丞天復元

年棄官歸隱乾化五年赴閩王審知辟命轉左散

騎常侍(海錄碎事)鄭昌士有八子皆以詞學聞號

陳乘陳光義宅(縣志)在縣南二十里歸仙嶺(十國

春秋)陳乘仙遊人唐乾寧初擢進

士第官秘書郎黃巢之亂退居里中與王延彬徐

寅鄭良士輩以詩相唱和閩士多以風雅歸之(閩

書)陳光義唐天祐二年進士

宋陳洪進宅

在縣南三十五里牛歌亭山下(縣志)在縣南四十二里馬嶺(宋史)洪進泉

仙遊縣

州仙遊人初隸兵籍從攻汀州先登補副兵馬使
留從效殺黃紹頗命洪進送紹頗首至建州王延
政大悅以為本州馬步行軍都校後遣歸泉州晉
開運三年李景陷建州延政入江南明年留從效
降江南景以從效為清源軍節度洪進為統軍使
張漢思同領兵柄從效率少子紹鑑推副使張漢思
誣紹鑑將召越人以叛執送江南推副使張漢思
為留後自為副使既又奪漢思印遷漢思于別墅
遣使請命于李煜煜以洪進為清源軍節度泉南
等州觀察使時太祖平澤潞下揚州取荆湖威振
四海洪進懼遣人間道奉表自補清源軍節度副
使權知泉南等州軍府事太祖賜詔撫諭乾德二
年改清源軍為平海軍授洪進節度泉漳等州觀
察使檢校太傅太宗即位加檢校太師明年四月
來朝願以所管漳泉兩郡獻于有司太宗優詔嘉
納之以洪進為武寧軍節度同平章事留京師奏

朝請六年封杞國公雍熙元年進封岐國公上言
求致仕優詔免其朝請二年以疾卒年七十二贈
中書令謚
曰忠順

留居道宅

(縣志)在縣南六十里慈孝里(府志)留居

開寶間出判莆田因愛赤湖山水
之勝遂居焉後累贈尚書左僕射

蔡襄宅

在縣南四十里牛山之麓(縣志)在楓亭市

舉進士為西京留守推官館閣校勘范仲淹以言

事去國余靖論救之尹洙請與同貶歐陽修移書
責司諫高若訥由是三人者皆坐謹襄作四賢一

不肖詩傳誦天下慶曆三年仁宗更用輔相親擢
靖修及王素為諫官襄又作三賢詩以賀三人列

薦之帝亦命襄知諫院進直史館兼修起居注襄
仙遊縣

益任職論事無所回撓以母老求知福州改福建
路轉運使開古五塘溉民田奏減五代時丁口稅
之半復修起居注唐介坐貶春州上疏救論得改
英州每除授非當職輒封還之帝遇之益厚賜其
母冠帔以示寵又親書君謨兩字遣使持詔予之
遷龍圖閣直學士知開封府以樞密直學士再知
福州徙知泉州州有萬安渡絕海而濟往來畏其
險襄立石為梁又植松七百里以庇道路召為翰
林學士三司使以端明殿學士知杭州治平三年
丁母憂明年卒年五十六贈吏部侍郎乾道中賜
謚忠惠宋王十朋過忠惠故居詩懷章南過蔡公
鄉駐馬遙瞻數仞墻丹荔株株經品藻青松葉葉
繫清涼四賢詩出人爭氣三諫章成國有
光真是濟川三昧手清源遊戲作虹梁
茅知至宅(縣志)在南門內(府志)知至操尚介潔不
求聞達博通墳典倡六經孔孟之道以

開明人心漕使龐籍疏薦于
朝景祐五年補國子助教卒

傅楫宅在縣南五里羅山旁井之東(宋史)楫字元

士知龍泉縣道除太學博士曾布執政薦為太常

博士徽宗以端王就資善堂學擇師傅為說書升

楫記室叅軍進侍講翊善一府嚴憚之鄒浩謫官

楫以贖行免官徽宗即位拜中書舍人時曾布當

國自以于楫有汲引思冀為之用楫畧無所傾下

凡命令有不當用人有未厭者悉極論之布大失

望楫在朝歲餘見時事寢異竊歎曰禍其始此乎

遂上疏丐去以龍圖閣待制知博州卒年六十一

陳次升宅(縣志)在縣西十里善化里山沁村(宋史)
王安石字說坐屏斤既而第熙寧六年進士知安
丘縣紹聖中除殿中侍御史論章惇蔡卞由是惇

仙遊縣

下交惡之乘間白為河北轉運使帝曰漕臣易得
耳次升敢言不當去更進左司諫時議追廢宣仁
太后次升密言太后保祐聖躬始終無間願勿聽
小人銷骨之謗積為悖卞所惡以他事中之坐謫
徽宗立召為侍御史遷右諫議大夫獻體道稽古
脩身仁民崇儉節用六事言多規切崇寧初以寶
文閣待制知穎昌府降集賢殿修撰尋入元祐黨
籍政和中用赦恩復舊職卒年七十六次升三居
言責建議不苟合劉安世
稱其有功于元祐諸臣
王回宅(縣志)在縣東二十里鷄山下(府志)回字景
令改知鹿邑縣召為宗正簿充睦親宅講書回與
鄒浩相友善哲宗立賢妃劉氏為后浩將論之以
告回回曰事尚有大于此者予移孝為忠亦大夫
人志也及浩南遷回斂交遊錢為贈事聞逮詣詔

獄除名停廢徽宗立召還舊官擢監察御
史數日以疾終蔡京為相列回名黨籍中
林豫宅(縣志)在縣西南十五里文筆峰下(閩書)豫
使擒淮南劇賊紹聖初授內藏副使歷知保德軍
卽州四年除河北沿邊安撫使乘間修築敵無能
為元符三年除鄜延路兵馬知鄜州黃河北決移
守冀州盡收老弱幼穉廩以官粟募少壯者築隄
厚與之傭崇寧二年以六宅使除真定府兵馬知
邢州力議鈔面錢陝西銅錢之弊及朝廷下東路
折糴豫格不行數忤時相期年罷去大觀四年知
卽武軍凡歷七郡悉有遺愛初豫受知于二蘓二
蘓皆嘗薦之及轍貶惠州軾貶雷州豫送轍有怒
髮衝冠壯心比石之句為章惇所恨左遷雲騎尉
後竟坐二蘓所
薦入元祐黨籍
仙遊縣

葉顯宅 在縣西二十五里古瀨村宋史顯字子昂
州南海縣主簿歷知貴溪上虞青田諸縣皆有善
政知常州高宗幸建康召對舟次顯言恢復莫先
于將相故相張浚久謫無恙是天留以相陛下也
召為尚書郎除右司遷吏部侍郎復權尚書時七
司弊事未去乃與郎官編七司條例為一書上嘉
之令刻板頒示除端明殿學士拜叅知政事兼同
知樞密院事尋除知樞密院事未拜進尚書左僕
射兼樞密使顯首薦汪應辰王十朋陳良翰周藻
陳之茂為暹林光朝等可備執政侍從臺諫上嘉
納乾道三年冬至上至親郊而雷顯引漢故事上
印綬提舉太平興國宮歸至家薨年六十八以觀
文殿學士致仕贈特進蓋正簡顯為人簡易清介
與物若無忤至處大事毅然不可奪府志顯與林
師說高登氣槩相許登嘗上書切譏秦檜檜捕之

急顯與同部密令逸去登曰不為
君累乎顯曰以此獲罪固所願也

陳謙宅 在縣西三十五里萬善里留埔村府志謙
字正仲仙遊縣人隆興元年登進士第主

既寧簿累遷右司郎中寧宗親除殿中侍御史以
論劾忤時相意徙太常少卿引退直寶謨閣奉祠
而歸起江西提刑召為太常卿尋除兵部侍郎與
韓侂胄論用兵利害不見聽遂乞補外以集英殿
修撰知寧國府嘉定初再乞致仕封清源郡侯卒
贈通議大夫謙淹貫羣籍賦詩屬文雅有典則尤
工書法家素清貧有田數十畝兄弟
共之力成安利石馬二橋以惠行者

鄭僑宅 在縣東北八十里雲頂峰前府志僑字惠
叔興化縣人乾道五年進士第二孝宗拔

置第一為吏部郎介然自守不一至執政之門以
春秋侍講東宮尤拳拳于父子君臣君子小人之
仙遊縣

際出提舉江南西路茶鹽淳熙八年淮浙歲凶孝
宗以常平官多不得人命僑為之振綱刻蠹踰歲
所給累三百九十萬緡濬治漕渠五百餘里凡所
罷行人皆使之入為禮部郎中兼太子講官遷中
書舍人六押制勅悉出僑手訓詞有體天下誦之
光宗朝命兼侍講修撰實錄又權吏部尚書力請
外任除顯謨閣學士知建寧府移知樞密院事明年
康進龍圖學士寧宗即位拜同知樞密院事明年
參知政事以清靜和平輔治進知樞密院事甫三
月求退除資政殿大學士知福州至家三疏告老
以觀文殿學士致仕卒僑孝友端重平生
所為皆有常德故受知三朝見稱忠實
王邁字
貫之興化軍仙遊人嘉定十年進士為潭
州觀察推官調浙西安撫司幹官尋以誣免調南
外睦宗院教授真德秀方守福州邁竭忠以禔郡

政俄召試學士院策以楮弊邁援據古今考究本
末又因楮以及時事真德秀聞邁所對善之帝再
相喬行簡或傳史嵩之復用邁極言嵩之姦險刻
薄不可用輪對言上厚權臣而薄同氣為欺天之
大者帝為改容出通判漳州禮祀雷雨應詔言陛
下方用漢災異免三公故事環顧在廷莫知所付
遥相崔與之臣恐與之不至政柄便有所屬此君
子小人進退之機也于是言官李大用蔣峴希意
論之削二秩淳祐改元通判吉州知邵武軍在郡
詔以亢旱求言邁驛奏七事而以撤龍翔宮立濟
王後為先子祠
卒贈司農少卿

葉大有宅(縣志)在縣西二十五里魁山之麓(府志)

春秋應紹定三年鄉試五年省試皆第一授英德
府教授除國子錄遷著作佐郎除正言兼侍讀累

仙遊縣

遷侍御史嘗條備邊三策上之遷右諫議大夫刑
部尚書累辟不獲奉母之官未幾丁母憂終于家
大有出入館閣前後數陳
百二十餘奏皆士論所歸
明鄭紀宅(縣志)先在縣西屏山後入居縣內因名
為翰林庶吉士官檢討丁父艱歸與莆田劉閔漳
州陳真晟及羅倫相會聚講論正學做呂氏鄉約
朱子義倉以收族睦鄉家居二十餘年遷浙江提
學副使孝宗時召為國子祭酒監規嚴正師生凜
然再侍經筵多所啟迪改南京左通政陞太常少
卿武宗在東宮紀采帝王嘉言善行凡百條各行于
圖作贊名曰聖功圖表啓以進又采古禮可行于
今者上申明禮制疏歷南京戶部尚書致仕卒
唐大章宅(縣志)在附郭功建里東湖大章號自明
孝親勅行博學明理為邑學生讀王陽

明書悟聖人可學而至遂專心理學天啟癸亥年
起貢絕無仕進意建堂開教四方景從約二十餘
年于大學著有原本闡義于中庸著有中庸與知
于易著易叅于詩著詩讚若書惟談伏生口授二
十篇若春秋惟遵經解之屬詞比事著有春秋
存教集禮記為內外篇令學者只習內外篇又取
禮記中樂記補成樂經遠近稱金石
先生卒年八十五誥封通議大夫
孔子殿(縣志)在縣南五十里連江里下街尾孔子
涵頭鎮子孫散居民間一支入楓亭寢徵供役于
驛朱子過楓詢知為聖裔就其所居處建殿設祀
仍復其身以承聖緒云至明末
故址猶存俗呼為孔子殿云
朝天書院在縣西四十里中岳街北古朝天
院明正德中邑尚書鄭紀改建
仙遊縣

會心書院 在縣東南塔斗山舊為塔斗菴(縣志)明
嘉靖元年知縣蕭弘魯擴地募建崇正
堂并海曙斂光二樓塑朱子像于中(明)祝鑿會心
書院記畧余懋楓亭驛望之有山突然者塔斗山
也塔之前為書院曰會心三峯朱子之所建也其
後為亭曰摘斗者易舊名也左右為樓登而望焉
則大海湯湯環其左大道平平繞其右曰觀海曰
景行各從其所見者而名之也若夫山勢之蜿蜒
秀拔卉木之葱蘢蒼蔚禽鳥之往來唱和一時得
于意而會于心者又不可以縷數此則書院之所
由名也先是為塔斗菴歲久漸圯嘉靖壬午蕭弘
魯來知仙遊乃始以淫祠撤之甲寅春三峰朱子
來知興化以行部至山而四顧之若有所
會于心者遂偕為是圖曰會心以此也

雙林書院

在縣南三里許古雙林
院也明嘉靖三年改建

紫陽書院

在縣城北宋東岳廟明嘉靖中改建(縣志)
後推官章葉視篆仙遊聚諸生習易

于此改曰一中書院
萬曆間重修

蔡溪廬

在縣東北蔡溪岩(縣志)宋陳易少好學談
綜經史工五七言詩嘗契出世間法遂與

學佛人

曰需者就蔡溪之左結廬並處斷葷絕慾
日惟一飯後寄炊山下香泉寺童日致飯一盂風

雨溪漲

或經旬不食如是者五十年崇寧初舉遺
逸又舉八行郡守聘之謝箋曰早粗修于八行晚

但了于一心

既本無行亦何有守不敢強(宋)陳
易詩吾結草菴蔡溪宅四顧峯巒皆削壁石門千

仍鎖天津

來者欲登那措足住此菴中是何緣不
詩不頌亦不禪饑來苦菜和根煮疊石為床因即

眠或停松

或坐石靜聽溪泉激鳴玉
源深洞邃來不休聲聲奏盡無生曲

仙遊縣

源深洞

邃來不休聲聲奏盡無生曲

六經閣(明一統志)

養正堂(府志)宋王邁建又居思堂葉日新建真西

堂朱元飛建

西園草堂(縣志)在縣西北二十里鼓樓山下(明鄭

新作小瀛洲堂因竹近堪容膝屋為松低只打頭

放鶴却嫌青嶂合拂琴誤惹綠陰浮旨甘今計少

餘暇寄傲無忘聖主憂

靜和軒(縣志)宋董公偃博物洽聞操行

不出嘗作靜和軒于家陳易題軒壁曰酒吸陽春

入肺腸茶罷清風生肘腋安知石所洞中人不是

武陵溪上客(林廸詩句)寂寂峯

巒千古意溶溶花木一家春

迎賓亭(縣志)在朝京門外唐置宋重建曰九仙館

迎春亭天啟三年知縣蕭睿重建表暨三狀元坊

為宋鄭僑元林濟孫林亨立(唐鄭良士迎賓亭記

畧蕭陵蕭公天祐三年夏五月釐是邑也秉禮持

敬勤租力農平刑定法繕城壁濬溝隍致運船立

公店十者急于用而關乎政總之而行靡闕其功

仙遊縣

基已成旬不踰而功將倍楫間雲而提獵欲飛梁
跨虹而夭矯如活前之後之可以行嘉樹左之右
之可以叢怪石池涵清泉岸入芳草釣可垂舟可
泛羅衆伶而絲竹繁集羣彥而壺觴滿俾然哉是
亭也是境也可以下峴首而早蘭亭者焉愚築室
于市迤耕于野仰公之節槩熟公之操修筆茲事
于貞珉庶綿陵谷之換後之人目是功得不傲乎
心而蒞乎政俗者也宋卓得慶九仙館記畧寶祐
三年仙遊趙令君蒞事之再期化洽人和百廢以
修乃新吾東門之館且並新其門焉厥費四十舍
萬半出俸金蓋吾邑居郡之西南隅相距餘三舍
邑官之將迎行旅之往來既仕與未仕之趨京東
方其要津也乾道間趙令君綢始荆四門其東曰
九仙門之外樹亭曰十州所以便賓旅也慶元間
呂君祖平來宰吾邑更名其門曰朝京所以作士
氣也自始荆迄今垂二百年亭圯而門亦傾比歲

間有葺者不過微役浮屠為旦暮計今令君之新
斯館也不吝割已于百姓無絲毫擾然為屋東西
房敞前後增築寢房書室步檐更衣與夫庖湍之
所畢備不苟然也前浚古塘引泉溉蓮時可觀賞
以豁謀野之思乃以始荆之名其門者名之既成
以燕則曰館新而門不稱尤邑令之責也又委俸
三十餘萬委某階陳君一冲督工重建其制視昔
高數尺役方興而人不知工告成而人咸喜令君
于理邑如理家去之日如始至有若此者是尤可
書也陳儼十州亭詩東塘昔號神仙景亭以州名
世亦稀山擁髻鬟臨水鑑花鋪雲錦出天機好風
入座清如濯古木分行翠欲圍每到憑欄會心處
襲人衣

活水亭

縣志在南五十里連江里印石旁昔陸氏
池亭也以潮汐為高下因名明鄭紀記謂

仙遊縣

宋丞相陸秀夫從帝南渡

留一子居楓此其裔也

龍首亭(縣志)在西二十里仁德里龍華市明景泰

呼狀元

榕此也

醒心亭(縣志)在南五十里連江里太平驛後麓石

許星霜明崇禎間泉司李區公夜宿驛亭見二人

蒼髮修髯向而求救告以傷足驚寤過覓見二栢

根底幾仆加

土而培之(縣志)在西十二里貂峯麓下有塘數畝盛

拱筆亭(縣志)在西十二里兩岸榕柳木綿樹垂蔭

可人內蒸雲閣石英亭九

望海臺(縣志)在縣南五十里塔斗山(宋蔡襄九日

歲登臨始此迴堂上壽尊淋浪滿欄邊家菊似疑

開故鄉情味人生好今日恩榮使節來正是秋風

洗煩暑力將

衰颯上高臺

寺觀龍華萬壽禪寺

(縣志)在縣西二十里仁德里(通志)

于此山林幽邃人跡不到後有白龍啣白蓮白空

中來獻故名寺內有石浮屠二高各有三十餘丈

屬院十有一卷七十七宋林豕陳易嘗隱此山寺

屢燬于火宋紹興元元貞明洪武萬曆間屢修(閩

書)龍井龍池遺址尚存(宋王邁龍華寺記畧)仙遊

龍華寺肇造隋末有僧葉惟勝受戒于潤之甘露

寺杖錫而南尋梵釋龍天之宮至是得蔣公故宅

之址而開山焉燕坐而七佛現容誦經而天王下

聽唐大中初乃錫寺名至我聖宋宇日闢徒日繁

而劫數相值至紹興巳卯凡經三火不廢不興不

止不始是故祖堂建于紹興之庚辰閱明年辛巳

而庫堂成又明年壬午而佛像成講堂建于乾道

之丁亥閱四年辛卯而僧堂西藏成又五年丙申

而羅漢堂成東藏割于嘉定之乙巳儀門新于寶

仙遊縣

慶之乙酉紺宇差我生丈六金容而不為高虛堂
深敞容千百衲衣而不為廣兩藏輪轉天地雷鳴
雙塔吐光晴霄星見法則真實非空非華色色莊
嚴連無色界先是萍齋林先生栖隱此山累召不
起發心募建躬董巨緣至今塑像于寺之法華過
者必式歲時檀那雲集萬口稱讚目為南方第一
刹土所謂佛願弘深因與果對者詎不信歟畢工
日寺僧乞文于余薰沐點筆敬為之記宋劉克莊
詩不見層巒與複岩眼中夷曠似江南烟收綠野
連青嶂樓瞰朱橋映碧潭丞相無家曾住寺聘君
有宇尚留庵荒山數畝如堪買徑欲誅茅老一龕
明柯潛詩寶幢山下烟霞古老樹如龍欲飛舞花
氣薰成五色雲泉聲散作千林雨我愛溪山事事
幽錦袍醉踏東風遊題詩淨掃岩頭石把酒還登
竹外樓空門自與人間別夜榻焚香卧清
絕明朝長笑拂衣歸間却溪山與風月

三會寺

縣志在縣西十里善化里龍山下唐景雲
中置明洪武間立為叢林正統間重建嘉

靖中有欲占奪砌墓者稱僧亡寺燬一日郡守經
過大圳寺中鐘鼓自鳴問之里老曰三會寺遂踈
勘殿宇依然乃歸僧德禮

雙林寺

縣志在東南十里永興里宋茅知至建寺
右有溫泉麓石為池方廣丈許亭覆其上

明蕭弘
魯建

普惠大通瑜伽寺

縣志在縣西二十里仁德里府
志原為龍華屬院宋紹興二年

建賜額普惠福壽禪寺明洪武間改今名景泰間
重建後圯里人吳日宣重建閩書法華庵東有普
惠院宋僧清忠所建清忠嘗取經西川往還數次
川人疑其為取欲殺之斷右手以誓血湧白乳川

仙遊縣

人異之得墨字本以歸宋初賜號弘法大師仁宗
篆書明堂及飛白明堂之門四字賜之神宗賜以
徑尺草書古詩二首
藏于寺之御書閣

全安寺(縣志)在南五十里連江里古名全安莊在
陡門元大德中僧祖和建(明關玉成詩)古

寺森森水繞迴蒲團獨坐重徘徊鐘聲縹緲驚啼
鳥鉢影參差隱綠苔法界真如三墨古老僧色悟

幾空來漢庭無復金人
夢只有爐烟不惹埃

雲嶺寺(縣志)在縣南四十里雲峰
山下有桃花溝在其旁

無塵塔(縣志)在縣西北七十里九座山太平院
西唐乾寧二年勅賜塔額士夫齋戒指

塔瞻敬得香于石縫間若乳香然塔外老松數十
株榦皆垂綠葺線長二三尺俗謂羅漢線別號靈

線樹

俞潭庵(縣志)在縣南三十里香
田里宋紹興元年建

紫雲庵(縣志)在縣東二十里折桂
里曲徑深幽樹木環蔭

慧源庵(縣志)在縣南三十里香田里義
店村北迴龍院西林秀泉香

乘庵(縣志)在石馬橋西本朝
康熙丁未年建橋遂建庵

新豐院(縣志)一名新峰在縣東二十里折桂里天
陽山唐開元間建宋元祐間重興明天啟

間重修

迴龍院(縣志)在縣南三十里香田里義店唐太和
九年建由陽山逶迤而來歷獅子虎丘峰

仙遊縣

回路轉院構其間元延祐七年住眾百餘後圮明
崇禎間重建
本朝順治乙未重脩

高田院(縣志)在縣西三十五里萬善里(舊志)唐大

孤岡突起狀如獅雄宋乾德中定御禪師獨居其
上心讀華嚴一日閻羅遣使迎師師答以偈云三

年過了又三年閱過華嚴滿五千功德完時珍重
去何勞遣使上高田六年圓滿五色雲扶昇而去

本朝康熙十年重修(唐鄭良士高田院詩)到此浮亭上
此祥雲峰所由名也明洪武中火永樂間重建

浮名始覺非野僧還惜別遊客忍忘歸月滿千
岩靜風清一磬微何時脫塵役杖履願相依

南林院(縣志)在縣西四十里唐咸
通間建明泰昌元年重建

九座太平院(通志)九座太平禪寺在九座山中唐

重建唐有僧智廣者留坡人生不茹葷日月中行

十二影世謂龍樹王化身常持鐵鉢並一白犬隨

行唐咸通六年始卜于九座山創立太平院宋乾

符中賜額蔡襄書元祐六年加封慈應崇寧中勅

賜無塵塔額隆興元年加封慈濟(閩書)智廣每浴

潭中水必煖若有司其事者一日至則水冷俄聞

山中必有鞭箠號泣聲自後不復浴矣四方叩福

事必驗王氏入閩語之曰騎馬來騎馬去果自光
啟丙午據閩終保大丙午又嘗有識曰功下田刀
交連井底坐二十年留從劾據泉州如其言光啟
間示寂年八十乾寧中謚正覺禪師洪适夷堅志
五代王氏撫閩日一野僧一瓢自隨詣福州永福
營營若有所求或問何以曰吾欲擇高廣地可安
千僧者時方尚武其人應之曰我久要尋駐千兵

仙遊縣

處未能入手如何容得間和尚僧乃去之九座徘徊
細覽眺遂堅卧不動叱之曰我豈不知此是道場
耶恨溪水太逼山下勢不寬拓耳是夜驚雷震擊
達明溪移退二十丈居民怪焉因共勸勉使主座
令遠近施財不約而集遂成叢林迺所載野僧蓋
智廣也宋時又有釋効常者住楚澧潭間待人濟
物笑容滿面袖子雲從目為常歡喜久之還闕亦
退居此山從弟効謙復住是山以三十年禪林推
仰宋林豕寓九座院即事詩二首沙路無泥屐齒
輕薄雲籠日兩初晴林間鳥弄歌千轉溪上花開
繡一綳又短短桃花點綠荷輕輕白鳥下
晴波宛然西塞江邊路只少能詩張志和
天王院縣志在縣南五十里錦屏山之麓原名仁
蹕因名天王院明天順間火重建
本朝康熙二年重修

資福院

縣志在縣東十五里新峯山之麓宋紹興

本朝順治十一年智拔禪師

重建左築般若樓一座

地藏院

縣志在縣東二十五里香田里寺久廢為
田明萬曆間耕者拾得佛像乃依舊址重

建名地

藏庵

曇林院

縣志在縣東二十五里安賢里山如獅子
溪繞山麓古有橋橫鎖兩山術家稱獅子

戲毬明萬曆

間邑人倡建

興善院

縣志在縣南五里孝仁
里後山村明萬曆間建

白石院

縣志在縣南五里孝仁里大僻
山村本朝康熙壬子年重修

中峰院

(縣志)在縣南前建未詳本朝康熙乙卯年重脩並蓋藏經樓一座

大士堂

(縣志)在縣南五十里連江里楓北村一名觀音亭明萬曆間建梵宇清幽道旁古樹

數行大為入楓勝槩

萬壽觀

(府志)在縣東北里許(縣志)在縣北宋建炎中傅謙受建祝其父傅楫名福神道院後

本朝

順治

戊子重建(宋王邁福神觀記畧)金石山福神

道院仙遊傅氏所造也經始于建炎庚戌續成于紹興丁巳中間拓地增屋者不一淳祐癸卯而後

嗣孫薛喙甥邁為文以識之金石山者何以少師

公得名也曷名乎福神道院公之子夔漕作堂祀先而寓名乎福神也少師公薨于毫葬于常之宜

興朝廷賜善權山廣教寺以資冥福夔漕嘗仕括

蒼乘桴而還遇風濤洶湧眾舟俱覆顧瞻對岸有

北方正神之幟植乎其前若有物扶之以濟于險

既歸仙遊每食必淚羹曰吾親松楸在三千

里外雖蒙恩奉香火有所然為子若孫不能時展

之敬寧不見謂于馬鑿夏畦之鬼乃捐俸割地

堂于邑之北山奉少師祠以福神名之括蒼有羽

士梅洞霄于六飛未南渡前嘗言錢塘有天子氣

既而言驗携與偕來是為開山之祖鑄鐘累月不

就公之夫人投金釵于爐而鐘成叩之無聲

梅揮劍擊之聲始大震至今一釵一劍之痕隱

浮于蹲熊盤龍之上故斯堂雖為祠先而亦為四

方水旱禳禱之地

此記之不容已也

仙宮

(縣志)在縣內東北隅金山石明崇禎間唐大章陳濂倡建中祀呂仙為講堂

祠墓仙水靈惠廟

(縣志)今名仙水觀在東二十里折桂里(府志)在九鯉湖何翁張媪來尋九

子已仙去矣即隱于湖中未幾而歿遺銅杯鐵鞭

于溪石之上里人即其地立祠祀翁媪九仙侍焉

西邊祀范侯自隋歷唐宋乾道中封仙翁為嘉應

侯明嘉靖中重修廟前即水晶宮上為九仙閣東

為迎仙公館(明林雲詩)遙知骨相詎能仙聊事尋

幽出市廛雲外呼風吹暑帽雷邊借雨洗塵羈本

無天極高飛夢那得南柯半熟眠聞

說仙郎騎鯉去間來契勘是何年

何仙廟(明一統志)在縣東北九里湖上祀何氏九

良詩(人)已登仙鯉化龍伊誰湖上構仙宮石遺丹

竈潺湲裏雲鎖瓊樓縹緲中

桃開落自春風此行不為

邯鄲夢擬向邳橋遇石公

仙遊縣

靈濟廟(閩書)在縣西北二十五里祥雲山下祀宋楊氏兄弟長曰恭次曰梓建炎間居此歿

而神靈人廟祀之(縣志)在縣西二里神姓林名義生為巫醫

興福廟(縣志)在縣西二里神姓林名義生為巫醫

拒賊賊遂潰乾道間賜廟額嘉泰間封威祐侯尋

累封章應通靈孚順侯淳祐間封孚祐昭德公又

封靈惠英濟侯母葉氏封靈貺淑

靖夫人妻黃氏封靈惠協順夫人

靈惠袁侯廟(縣志)在縣西五十里上余村宋紹興

力戰死之邑人為之立廟請賜靈惠之額明正德

間重修(宋陳致一記)袁公家世甘陵業農少以

駭驚剛毅聞以慷慨功名自任以戰功累遷武翼

郎授荆湖之任紹興十五年江廣民兵恣為干紀

始自潮海踐我汀漳遂侵軼于溫陵仙水之境公

從太尉張公為裨將領兵以躡其後戰于磨石山

中要害死焉初公領兵而來賊眾未之知也既毒

西鄉欲逞兵而東以窺縣治及遇公至莫不沮喪

公之陷歿其下激厲皆裂背血戰由是賊徒挫衄

奔潰邑人賴以免禍者十八九致一承之邑事蒙

公之澤謹守四郊德公之意深矣遂從邑人之願

立廟上余村邑有丘生名初者良家子善武藝率

眾禦賊于九座山下親殺渠魁一人而賊徒退走

陣今祔于廟使後來知其人為

廣福廟(府志)在東北八十里興泰里神侯官陳氏

香火宋紹興中靈響益振邑人始為立廟時虔奉

驚擾居民懇禱于廟賊夜聞鉦鼓聲即遁環廟七

仙遊縣

十里皆深林蒼翳居民採竹為楮隨山祈禱雖有
蛇蝎莫能害或遇猛獸呼救應聲傳五季間賜號

廣福今人亦稱廣福夫人

英烈廟(府志)在東二十里折桂里神柯姓名一鯤
與兄一龍一鯨皆庠生明嘉靖間寇亂頻

仍兄弟仍有武技鯤年少力扼虎射命中應募却
敵後沒于陣久而靈跡異常里人立廟祀之號為

英烈

瓊仙祠(縣志)在縣東二十五里安賢里一名雲峯
岩祀杜陸馬三仙妃不知來自何代傳陳

姓客外帶歸祀于家一日爐飛山巔烟起數丈鄉
人異焉立祠祀之祈雨有應又判斷吉凶無遺明

本朝康熙辛亥重修並整仙像
天啟間邑人于兩廡構二樓因亂廢壞

鄭三公祠(縣志)在縣西二十里仁德里普惠寺東
祀陳鄭淑唐鄭良士閩鄭元弼(十國春秋)

遺執政書辭不遜高祖怒以元弼屬吏獄具引見
奏曰蠻夷之君不知禮義得其善言不足喜惡言

不足怒陛下示大信以來遠人臣將命無狀願
伏斧鑕以贖昶罪晉祖奇之賜名遣歸後至禮部

尚書朱文進之亂元弼抗辭不屈黜歸田里尋被
殺

唐陳嶠祠(縣志)在東二十五里安賢里(十國春秋)
嶠字延封遠祖邁為莆田令家焉登光

啓三年進士攝京兆府叅軍入閩官至殿中侍御
史嶠為人謹信居家純孝事繼母盡禮父喪廬墓

三年鄉人稱之

仙遊縣

宋蔡襄祠堂

(縣志)在南六十里慈孝里一在東北

蔡忠惠公祠(文)惟公忠言惠政著自中朝筮仕之

初嘗屈茲郡歲時雖久稱思未忘厥有遺祠靈英

如在熹雖不敏實仰高風泣事之初敬修禮謁(王

曜軒詩)欲知公之忠須誦三諫詩欲知公之惠須

讀萬安碑朝廷得公重天下失公悲騎鯨今幾年

悠悠人見思令人愧前修風流不可追立朝無剛

容哭梯仍韋脂字氏之廉聲敲朴及繭絲不知富

貴有磨滅芳名嬌節無窮時遊子晚出公之鄉兒

時斂衽公清規吁嗟九原不可作每于清夜

夢見之所以今日拜公像浩歌出門雙淚垂

洪忠祠(縣志)在南五十里太平橋北首(府志)忠仙

人陳高為立石紀其事蔡襄持節

本路以勞績奏勅賜本軍助教

王回祠

(縣志)原在鷄足山保福院西今在縣南十

史王公字景深而嘉祐中有與公同姓名者字深

父亦閩人深父舉進士主衛真縣簿未一歲棄去

治平二年朝廷以南頓縣事起之而深父已歿矣

後八年御史公始舉進士以端方直亮聞天下為

元祐諸公所知而紹聖元符用事者深嫉之會鄒

道卿以言事譴公坐黨人遂削官歸里徽宗即位

復召公入臺故名在元祐黨籍者御史公也恭之

試邑于此則公之丘墓在焉始獲拜公之祠于鷄

山之精舍祠宇蕪陋不足以揭誠安靈舊有萍齋

先生所書祠堂記歲久失傳是用即其故祠重加

葺治仍取公墓志與鄉道鄉墨蹟名公詩文刻為

二碑寘諸祠側且並叙其顛末而書之碑雖未足

發揚潛德之萬一姑使後來者有考焉公之祠立

于紹興之十六年自靖康黨禁除至是蓋二十一

年矣(宋陳讜題)御史王公高風直節山斗爭峻歷
年浸遠後來者或靡聞其詳紹興間邑大夫陳侯
貫道立祠于保福院作文奠之今六十餘年矣復
得令尹樊侯重葺祠宇訪求公之墓誌銘及諸賢
哀挽與鄰道卿傳陳二待制手簡銀木傳布將使
公之名節愈久而愈彰百世之下聞風而立懦可
謂知所先務矣

朱文公祠 在縣北(宋陳堯道記畧)邑令趙侯興必
惟朱子三書四子與六經並行尸而祝之者總總
仙溪士風多潔修少浮華走建溪且近不祠不宇
是大漏典閣之背豈爽叶卜闢舊益新五月始立
越月績成儀容孔肖以瞻以儀鳩僚佐暨學子見
以菜以記來諗堯道謂朱子文日星揭江河流其
將何辭以記因默籌之紹興丁巳朱子始通孝經

大義韋齋與程復亨書云其為學頗有緒今夫是
祠正朱子通經初年周子挺生自天禧丁巳始甲
子兩周為紹興丁巳朱子通經自紹興丁巳始甲
子又兩周為今日丁巳理與數應天作人符役之
不可以已也如是趙侯勸學有文澤化範俗與朱
子南康清漳教條朐合將更如始至不可以當吾
世而避是役俾章縫于斯堂也趨而謁之伏而思
之即父子君臣夫婦長幼朋友之目博學審問慎
思明辨篤行之序修身處事接物之要晝摩暮贖
一息必存致知力行兩輪並進其居家居鄉也必
孝必弟其為國為民也必忠必信文公既沒文不
在茲乎高山仰止景行行止幸也等而上之繼去
紹來立極生人太平萬世

大幸也嘉祐五年朔日記

陳昭度祠

(縣志)原在谷目山今移縣北五里大飛
山後亭(通志)陳昭度紹興進士為尤溪
仙遊縣

主簿部使移檄令揭據屬吏細過乃拂衣去以讀
 書著文為樂自號西軒子後教授藤州勵以致知
 謹獨之學由是士競于
 學改知長樂縣未上卒
 丘鐸祠(府志)在興泰里鐸温州人愛民好士紹興
 間任興化縣知縣(宋鄭樵記畧)君之澤如
 洪流行地中在川盈川在澤盈澤談君之美如觀
 溟澗自津者知津由涖者知涖南連漳江之南北
 遠既閩之北談及君者莫不以手加額政滿將去
 民奔走立祠貌者四出意謂君之聞望名字必書
 青史君之行事勒民心膺口口盛傳無有紀極惟
 君之面老壯幸及知後來者無由識作此祠所以
 識君眉
 字也
 張淵祠(縣志)在東北八十里興泰里水陸院西廡
 宋紹興中張淵平山寇邑人德之知縣陳

致一立祠今
 名張都統祠

葉顯祠(縣志)在縣學遵道堂(宋鄭侃記畧)丞相正

乙酉公在政府奏免莆郡猶剩米郡計以舒民力
 以蘓邦之先哲皆有祠公之功宜祠而未也非闕
 欽秘閣殿直院林侯希逆下車三日閱版籍詢圖
 牒就利而興就害而除于猶剩米一事戚然而吁
 既乃蠲免于公之一疏復躍然而起一日會僚屬
 語其故作而言曰公有功于人祠胡可弗建乃以
 已酉正月始事閏月迄事實不在郡治之西
 茲特紀侯所以建祠之意故不復他及云
 明王彝祠(府志)在朝京門外彝字友倫四明人起
 家椽史宣德八年調為令有惠政視縣
 四年卒民搆祠塑像祀之正德中寇薄仙邑典史
 蘓廖鎔率兵往禦寇不敢近後入覲卒于京士民
 仙遊縣

哀誅立碑塑像配祀王彝
壯烈祠在城東北街祀明死事義勇魏昇明林俊
瑞周擇精練林德泰翁汝達郭懷志雷法英等守
城以待援兵寇覘其少蹶之城西半里山下勢不
得前橫槊犯陣殪數賊傷賊再倍援兵未至瑞周
等死焉君創重猶恐死戰寇駭而遁城以完而君
創困呼殺不絕口越九日竟卒羣請立祠像君其
中子侍同時死事位有差謚法武不遂曰壯安民
有功曰烈以壯烈
名祠無不可者
崇勲祠有二一在縣南街下鄭前一在東郊報恩
戚公祠在城內以戚繼光勦倭功大故特祀之報
恩堂在東郊南原祀戚繼光及支兵誤溺虎嘯潭

本朝康熙丁酉年重建祀戚繼光譚綸監軍道汪道昆
者三百人

知縣陳大有典史陳賢

左廳祀溺兵右為僧舍
恤勞祠(縣志)在城西隍廟後嘉靖癸亥冬倭寇

賴以全君芳隨中倭
劉君芳奮力砍墜數倭城

鏡死立廟曰恤勞
陳鄭淑墓(縣志)在縣南五里鞏橋西陳鄭淑字善

宅為寺遷仙遊鞏
吳偕兄露莊自永泰入莆居南山後舍

橋仕至常州別駕

唐鄭積墓(縣志)在東北九十里象鼻山有祠堂在

紫光祿大夫宋乾道五年十一世孫僑祭祖墓詩

舍我南湖入潯陽紫綬金章照帝鄉殘史還書唐

仙遊縣

政績斷碑猶載古文章素懸象鼻悲風木久悵鷄
彞寢禴嘗展拜有時躬挂劍為公刻草振荒場

張濬墓 在縣北(縣志)在功建

鄭良士墓 (縣志)在縣南五里俗呼鄭墓山

楊在堯墓 (縣志)在縣西北四十里梁山(府志)在堯
其先自華陰入閩居仙遊登唐天祐二

年進士終右
補闕有文集

陳乘墓 (縣志)在縣南二
十五里歸仙嶺

宋陳洪進祖墓 (縣志)在縣南三十七里馬嶺西陳
洪進祠在縣南五十里有德星堂

字三

留居道墓 (縣志)在縣南六十里慈孝里
有祠在留村今移俞潭街

蔡襄墓 在縣南四十八里楓亭(宋歐陽修誌畧)蔡

其後中衰隱德不仕公年十八以農家子舉進士

為開封第一名動京師後官于閩典方州領使一

路而二親尚無恙母夫人尤有壽年九十餘歲時

為壽母子髮髮皤然而命服金紫煌煌如也公為

文章清道精雅工于書畫官至禮部侍郎特贈吏

部侍郎葬于連江里蔡山(明柯潛記畧)成化六年

春都御史滕自明巡行諸郡至興化仙遊之楓亭

見道旁有巨碑刻云宋端明學士忠惠蔡公神道
碑悚然歎曰此非嘗為四賢一不肖詩世稱直臣

者耶遂下馬周視其墓蒙翦莽莽中急馳諭所司
修之以夏六月始事以冬十月畢工方其經始也
或謂公墓在赤湖焦坑而此為非是按墓誌載公
仙遊縣

塋于莆田縣將軍山當時豈地屬莆田後又屬仙
遊因此近有將軍墓故名將軍山今俗又呼為蔡
山則因公姓而得名的又况有碑石題識可據則此
為公墓無疑赤湖焦坑去此六七里則其父母之
墓歐陽文忠公亦嘗銘之所謂其里慈孝其岡平
井即其地也歷歲既久地里紛更為子孫者尚亦
遺忘况鄉里之人得于傳聞者安
得不謬誤哉是年十一月五日記
茅知至墓(縣志)在縣南五里孝仁
朱紱墓(縣志)在縣南五里香田里紱字君既治平中進士
元符初為都官員外郎鄒浩以論元符后不當立
竄新州紱出金贖行坐追一官勒停徽宗立遷右
諫議大夫給事中蔡王府獄興株連甚眾江公望
以言切黜守外郡紱封還制書論駁再三並出知

壽州崇寧初入黨籍起知福州
蔡京復相竟罷建炎初贈少保
傅楫墓(縣志)在縣南五里仙人翹足山衣冠藏也
城北原名欽賜葬常州宜興縣善植山有祠堂在縣
福神道院

陳次升墓(縣志)在厥陽嶺有祠

王回墓(縣志)在功建里鷄足峰保福

薛奕墓(縣志)在清源西里

陳易墓(縣志)在縣東北六十里興泰里蔡溪岩並

師王安石遊野服角巾泊如也崇寧間舉遺逸八
從需禪師遊野服角巾泊如也崇寧間舉遺逸八
仙遊縣

行皆不就

傅友諒墓

(縣志)在縣東南十五里洪山(閩書)友諒

進士

歷膳部員外郎知和州有文集孫觀稱其文

魁竒偉麗

九鼎十鼓詩隱隱大呂震越洋鎧可比

諸頌魯

而歌周

張弼墓

(縣志)在縣東二十里折桂里靈陂院西弼

以其名聞

並上所著書賜號葆光處

士授司

戶參軍克泉州教授未赴

蔡伸墓

(縣志)在縣南二十五里慈孝里紫幙山伸

四州在

徐州時定禁卒亂在真州時值火災發常

平廩賑

給改知徐德安和四州忤蔡京除浙東帥

司參謀官後至左

中大夫卒贈特進

陳可大墓

(縣志)在南三十里香田里東有祠堂在

可大登政

和進士再調泉州工曹兼右推改知長

樂大脩陂塘

以溉田後知端州歸率族人修學舍

又創仙溪橋

邑人稱之

葉顥墓

在縣西烏石大

陳昭度墓

(縣志)在縣東北八

鄭厚墓

(縣志)在縣東北八十里興泰里厚字景章

初再舉

禮部奏賦第一詔授

左從事

郎泉州觀察推官

仙遊縣

鄭樵墓

在縣東北八十里興泰里
有祠在附郭功建里南街

鄭勳墓

在縣南十五里香山勳字景周嘉泰
壬戌進士知博羅縣叛民焚掠州縣衣冠

坐廳事不屈死事聞
贈朝奉郎立祠祀焉

陳謹墓

在縣西三十五里萬善里
高田山下有祠在留坡

林豕墓

在縣東二十里折桂里靈陂院山中
有祠在縣西二十里仁德里龍華寺內豕

字商卿

少孤力學後師事劉安世任伯雨陳瓘奉

母盡孝

隱于寶幢山下自號萍齋三召不赴乾道

初詔特賜進士

添差興化軍教授未一考卒百題

讀書處詩

身外無窮百不聞箕沙活計亦慵論齋

餘閑倚蒲龕睡

只有溪聲到耳根晚望詩喜鵲寒

鴉噪晚田山前茅舍起炊烟小橋敗葉風頻掃斜

月平燕
續自眠

鄭僑墓

在縣東北八十里興泰里龜嶺(縣志)或以
公墓在永福縣教忠寺後此乃其父墓也

有祠二

一在興泰里北溪一在

縣東二十五里安賢里湖峯

陳亨運墓(縣志)在縣西十里善化里白塔舖亨運

字俊民

父母繼歿廬墓三年嘗倚墓木

而哭木為之枯乾道間朝廷命舉孝廉縣

以名聞亨運不起乃餽粟帛以旌其孝

王邁墓

在縣南六十里
慈孝里並有祠

元林濟孫墓

(縣志)在功建里桂花
廂濟孫狀元及第

林亨墓

(縣志)在縣南五十里連江里至
正三年癸未狀元及第官朝奉

仙遊縣

明吳源墓(縣志)在縣西關外源字性傳力學通經

網薦徵為太子賓客講明政治甚見嘉納

未幾以老歸明年復徵為國子司業卒

鄭紀墓在縣西善化里蓮山之

張炫墓(縣志)在縣內東北隅金石山(閩書)炫字叔

昭成化丙午舉人知博羅縣廉介長厚先

是創立龍門縣割邑之寧集兩圖隸焉越七載民

以不便言朝廷下監司檄廣惠二郡久莫決炫出

爭之遂得復舊告

歸結茅金石山

魏昇墓(縣志)在縣西二

十里仁德里

魏瑞周墓(縣志)在縣西二

十里仁德里

茅序墓(縣志)在縣南五里天馬山序字邦賓萬曆

己酉舉人初授昌平州儒學教授陞瑞昌

知縣勦撫巨寇境內肅然尋知筠連縣水西苗寇

成都筠係要道序死守無二賊遁人有鐵茅之號

筠本無城乃請建築訓練民兵遂為

巖邑後歸隱于紫芝山年八十二卒

唐顯悅墓(縣志)在縣南七里登科山萬

曆戊午舉人仕至兵部侍郎

茅雍墓(縣志)在縣東南十里永興里雍字邦尊性

親備嘗辛苦事母

晨昏克供子職

陳濂墓(縣志)在縣南七里登科山濂字翰輔少孤

病就養無方一日讀濂溪周子書忽悟益魚窓草

之意別號師周以明經廷試授福清學司訓葉向

仙遊縣

高嘗稱為三代師表陞永定學教諭冠至率諸生

登陴協禦感動兵民陞漳州府學教授擢藩府長

史歸田與唐大

章開教金石山

唐大章墓在縣西十里善化里有

宋蔡襄母盧氏墓在縣南五十里連江里襄

母之賢可知賜官帔以

寵之封長安郡太君

明烈女薛氏墓在縣南三十里香田里白湖

貞死氏奔喪

成服自經死



